

3 lucky winners will WIN! A RETURN TRIP TO WATCH MANCHESTER UNITED IN SYDNEY

PRIZE INCLUDES:

- 1 Game Pass
- Travel Allowance
- A return ticket
- Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg

POWER UP & STAY CONNECTED

Balm wempla Digicel 3G+ modem na bal yumi kisin 200MB FRI Data.

Kam insait la stoa tudel

200MB FRI DATA

Y

Digicel 3G+

DIGICEL 3G+ MODEM

ONLY K79

Digicel

INSAIT

Madang pablik rali askim ol minista long det-penalti..

P3

Ol ilektorel long NCD bai gat wanwan haus sik...

P10

Laiptail stori long graun bruk long Kawarwa ples long Madang...

P15



WIGMEN WELKAM: Gavana Jenerel bilong Australia, Quentin Bryce i lukluk long ol Hela Wigmen taim em go raun long Palamen long Trinde dispela wik. *Poto Nicky Bernard*

Man dai, PMV straik long Lae... Moa stori long pes 2

Bustin Anzu i raitim

WANPELA man i dai na tupela PMV bas i paia long han bilong ol manmeri long Lae long dispela wik.

Dispela i mekim na ol papa bilong kar long ron long Lae siti na polis i sotwin long stretim hevi.

Long las wik Fraide, ol pablik long Malahang bek rot i kukim wanpela 25-sita bas bihain long em i bamim wanpela meri asples taim dispela meri i no lukim dispela PMV bas.

Bas i kam bamim em. Pablik i lukim dispela na tro-moi ston long PMV bas.

Draiva bilong bas i paul na tro-moi kar i go daun long baret na ol pablik i mekim paia long dispela kar.

GLOBE More Easy, More Tasty, More Energy

CORNERED BEEF WITH CEREAL

GLOBE ...the perfect choice

INTERNATIONALLY RECLAIMED

PNG MADE

Ramu Projek LOA wimen lida kisim trening

16-PELA meri lida bilong 4-pela projek eria bilong Ramu Nickel Projek long Madang nau i bung long Madang long kisim trening long mekim wok olsem ol eksekutiv bilong ol meri lenona asosiesen (LOA) bilong ol.

Ol dispela lain meri i makim Kurumbukari, Maigari (Inlen Paipain), Kostal paipain na Basamuk eria long Madang provins.

Dispela tripela de trenng em Mineral Risoses Atoriti i redim wantaim mani sapot i kam long Nesenel Plening Ofis. Bikpela nikel/kobalt divelopa long Madang Ramu NiCo Menesmen (MCC) Limited i sapot wantaim ples bilong slip na ples bilong holim trening.

Dispela indaksen trening i kamap long Ramu NiCo Komyuniti Afeas Dipatmen konprens rum long Madang yet.

Long taim bilong opim trening long Tunde, Epril 23, MRA kos kodineta, Stella Brere i tok klia long ol wimen LOA eksekutiv olsem las yia em namba wan hap bilong program we MRA i sapotim long bungim ol meri long wan wan ol imppekt eria bilong Ramu Projek long kamapim ileksen long makim ol meri long wimen eksekutiv insait long LOA. Dispela indaksen em namba tu stes bilong program.

Misis Brere i tokaut tu long ol samting we trening skul bai pas long en. Ol dispela em long soim ol meri wanem samting em LOA, ol



Ramu Nickel Wimen LOA eksekutiv lain wantaim ol trena bilong ol long Tunde. Foto: James Kila

Mama Lo bilong LOA na ol wok na wanem samting ol wimen LOA eksekutiv i mas mekim, rot long stretim ol hevi, na rot long kisim tok-orait na sainim ol pepa long mekim wok olsem eksekutiv bilong wimen LOA aninit long lo bi-

long kantri.

Em i tok klia tu long sampela eria we trening bai karamapim olsem program bilong mekim wok, plenim na kamapim wok na glasim wok na mani ript bilong asosiesin na jeneral menesmen na rot long kisim mani i

kam insait long asosiesen.

Em i toktok tu long ol eria we i karamapim rot long lukautim ol rekot, na rot long opim akaunt na menesim akaunt bilong asosiesen na tu ol rot long rijista long LOA asosiesen bilong ol meri.

Ol meri husat i stap long givim sapot long dispela trening em ol lain long Madang provinsal Komes ofis, Madang provinsal gavman na tu Ramu NiCo Jenda opis o opis we i lukautim wok bilong ol meri long projek eria.



experience the **FASTEST** internet speed by far!

Join Telikom Internet and experience the difference!

Visit your Nearest Telikom Shop Today!

• Alotau	• 941 1388
• Goroka	• 532 2153
• Kairaru	• 537 1003
• Kavieng	• 984 2099
• Kimbe	• 983 9599
• Kokopo	• 982 9099
• Kundiawa	• 535 1360
• Lae	• 473 6011 / 6012
• Madang	• 422 3232
• Mt Hagen	• 542 2400
• PCMV Boroko	• 300 4800
• PCMV Vision City	• 310 0047
• Popondetta	• 629 7081
• Venima	• 457 1125
• Wewak	• 456 2806

TELIKOM PNG
Always Here!

24/7 Customer Care: Call 345 6789 or www.telikompng.com.pg

Man dai, bas i straik long Lae

I kam long pes 1

LONG neks moning long Sarere, wanpela PMV bas i karim pasindia bilong en i go long Bumayong long Lae yet, yusim bekrot.

Insait long dispela PMV bas, ol mama, pikinini pasindia wantaim ol spakman ron i go long Bumayong.

Namel long rot, ol spakman i mekim nabaut long ol pasindia insait long bas.

Bas i stop na rausim sampela pasindia na ol spakman i kros wantaim bas draiva na bos kru na ron i go olsem long Yunivesiti bilong Teknoloji long Is Taraka.

Long dispela taim, narapela pasindia i pundaun i go outsait long rot na dai.

Narapela PMV bas i no save long dispela hevi na ronim PMV long Malahang bekrot i stap na taim ol pablik i harim olsem dispela pasindia i dai, ol i pulim dispela bas i go daun na mekim paia long en.

Polis nau yet i mekim wok long painim aut olsem wanem na dispela man i dai long PMV bas. Na tu, mekim wok painimaut long wanem rong bilong dispela tupela bas na ol i kukim.

Long dispela wik Mande, ol PMV bas i stop wok na dispela i lukim planti manmeri na skul pikinini i kisim taim long go long wok na skul.

Dispela i fosim ol skul long i nogat klas inap dispela hevi i pinis long wanem, planti ol skul pikinini i save yusim ol pablik transpot long i go kam long skul. Wankain long ol wok lain tu.

"Ol PMV bas i ron tasol ol i raun long taun, Maket na Eriku, ol ples we ol stap insait long taun. Long ol ples outsait long siti, ol i no raun tumas long wanem, long ol de i go pinis, ol yangpela man i wok long tromoi ston na brukim ol kar glas na ronim ol bas."

Polisman husat i go pas long oporesen bilong polis long Lae siti, Inspekta Fred Kaiwa, i tok ol i wok long mekim toktok i go kam long olgeta lain husat i stap insait long dispela hevi.

Em i tok nau yet, ol PMV bas i ron tasol ol i raun long taun, Maket na Eriku, ol ples we ol stap insait long taun. Long ol ples outsait long siti, ol i no raun tumas long wanem, long ol de i go pinis, ol yangpela man i wok long tromoi ston na brukim ol kar glas na ronim ol bas.

Dispela yangpela man husat i dai, polis i kisim stori olsem em wanpela sumatin husat i laik kamap Pasto bilong Luteran Sios. Polis i kisim ript olsem em bilong Milen Be (Milne Bay, Samarai) na Simbu provins.

Aste long apinun, Gavana bilong Morobe, Kelly Naru, i go antap long Bumayong na kisim petisen bilong ol manmeri long dispela hevi we bin kamap long dai bilong dispela yangpela Pasto.

Madang pablik rali askim ol minista long det-penalti ...ol raskol long Karkar bagarapim meri Amerika

MINISTA bilong Fainens, James Marape i tokaut olsem planti lain long wol i lukim ripot bilong ol lain long Karkar ailan i bagarapim saintis meri bilong Amerika na dispela i givim nem nogut tru long Madang na PNG.

Mista Marape i bin stap long Madang las wik taim ol mama long Madang kamapim wanpela pablik rali na tokaut long bel-hevi bilong ol bihain long sampela lain man long Karkar ailan i bagarapim wanpela saintis meri bilong Amerika.

Minista Marape i tok Madang em naispela ples we planti turis i save laik long go lukim, tasol kain birua olsem bai bagarap tru nem bilong Madang na planti ovasis lain bai lukim stori long inta-net na bai pret tru long kam long Madang.

Planti handret mama na pikinini i bin bung long wanpela bikpela rali long Madang las wik Fraide na i mekim bikpela askim i go long gavman long kamapim lo bilong det-penalti na kilim indai ol lain man husat i save bagarapim ol meri o kilim indai narapela man.

Dispela bikpela rali i lukim ol mama bilong Madang na ol lain memba bilong Madang Kaunsil ov Wimen i sanap wantaim ol pikinini na autim bel hevi bilong ol. Sampela ol papa na tu ol pablik long Madang i stap long rali na i soim ol pepa na posta we i singaut olsem det-penalti o loa i mas kamap long kilim indai ol bikhet lain husat i mekim bikpela trabel olsem bagarapim meri na kilim indai narapela lain.

Dispela bikpela rali long Madang i kamap bihain long ol sampela bikhet lain bagarapim wanpela saintis meri bilong Amerika long Karkar.

Polis ripot i tok 9-pela

...planti ovasis lain bai lukim stori long inta-net na bai pret tru long kam long Madang."

lain man bilong ples Marup na Kewasop

Ol pablik long Madang i tok pasin bilong toktok nating long palamen long bringim det-penalti i mas stop. Lo i mas go strong na husat lain i mekim dispela samting em lo i mas kilim em indai.

Dispela bikpela rali i lukim sampela ol gavman minista tu i stap long en. Ol lain minister em Minista bilong Fainens, James Marape, Minista bilong Pablik Sevis, Puka Temu, Gavana bilong Madang, Jim Kas, Memba bilong Sumkar, Ken Fairweather, Memba bilong Usino-Bundi, Anton Yagama na Provinsal Polis Komanda bilong Madang, Sylvester Kalaut.

PPC Kalaut i tokaut long rali olsem dispela hevi long Karkar ailan we i lukim sampela man i bagarapim dispela saintis meri bilong Amerika i bagarapim tru gutpela nem bilong Karkar ailan, Madang provins na tu PNG wantaim.

Planti lain mama husat i bung long rali i no amamas long ol yangpela man long Karkar ailan na tok olsem "ating ol man long Karkar ailan i mas dok na no save lukim wait meri na bagarapim turangu meri Amerika husat laik go mekim wok developmen long ples bilong ol."

PPC Kalaut i tokaut long rali tu olsem polis i holim pasim 5-pela bilong ol dispela 9-pela lain husat i bagarapim meri Amerika ya pinis. Polis nau i askim komyuniti bilong ples Marup na Kewasop long bringim narapela 4-pela lain i kamaut.



Nupela paia kar Nesanel Epot Kop-eresen (NAC) i kisim tripela nupela paia kar long helpim wok bilong ol long ples balus bilong Mosbi. Ol ples balus long Papua Niugini tu bai gat senis long ol. Mosbi ples balus i wok long go bikpela long wanem planti ol bikpela balus i wok long kam pundaun long en. *Poto Nicky Bernard*

new

Sumatin Account

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

BANKING MADE EASIER FOR STUDENTS ON THE GO!

INTRODUCTORY OFFER: Bank service charge FREE for phone top ups via mobile phones and ATM until 31st May

For more information

- 320 1212 or 7030 1212 / 24/7
- servicebsp@bsp.com.pg
- www.bsp.com.pg

Official Sponsor of the 2015 Pacific Games

TELE Apdeit

Winim balus tiket long lukim Manchester United

Kamap wanpela long tripela laki wina long go lukim Manchester United i salens wantaim A – League All Stars long ANZ Stadium long Sydney long mun Julai.

Prais em:

- 1-pela Gem Pas
- Wanpela riten balus tiket
- Tupela nait rum-silip
- Travel alawens mani

We bilong Winim

Spendim K200 o moa long wanem kain Prodak bilong Telikom, wantaim nem na adres bilong yu baksait long risit, dropim i go insait long wanem Telikom stoa na go insait long dro.

Telikom Trening Koles

Telikom Trening Koles i ofaim City & Guilds Certificate na Diploma 1 na 2 long Telekomyunikesen Sistems.

Ol dispela progrem, ol i luksave long ol long olgeta hap long wol, we i save kam long City & Guilds, London na Telikom Training College em i wanpela institusen long PNG tasol husat i save givim ol dispela trening progrem.

Diploma 1 na 2 i save givim skul long;

- Ilektroniks (Electronics)
- Infomesen Komyunikesen Teknoloji (Information Communication Technology)
- Telekomyunikesen Teknoloji (Telecommunication Technology)

Long kisim moa toksave long nupela enrolmen, ringim Kana Wai o Howard John on 4757137

24/7 Kastoma Kea long 3456789



Ol UOG sumatin laikim Vais Sansela mas risain

Sape Metta i raitim

MOA long wan tausen (1,000) sumatin long Yunivesiti ov Goroka (UOG) i bin straik long wik i go pinis long wanem ol i no wanbel long planti samting Vais Sansela Dokta Gairo Onagi na ol menesmen tim bilong em i mekim long ranim Yunivesiti.

Mekim olsem na ol rabim graun malumalum na i kamapim pinis sampela bagarap long ol smesim, bagarap na brukim nabaut ol glas bilong wanpela bas bilong Yunivesiti.

Ol i mekim olsem long wanem taim ol i save raun i go – i kam long dispela bas long taim bilong skul, ol i save peim K1 long i go long ol eria bilong trening na narpela K1 long i go bek long Yunivesiti kempas.

Na em i no fea, na long wanem as tru Yunivesiti i wok long sasim ol sumatin long taim ol i save yusim bas long ron i go-i kam long mekim skul wok bilong ol?

Dispela em wanpela long ol hevi

we ol sumatin i bringim i kam aut long soim olsem ol ino save kisim fri sevis long bas long taim bilong skul.

“Papa –mama bilong mipela i peim bikpela skul fi, na Yunivesiti i wok long kisim yet mani long mipela long bas. Na i no em tasol, ol i wok long kisim tu ol foitnait na buk alawens bilong mipela. Yunivesiti i sapos long givim gutpela sevis long olgeta sumatin, tasol nogat, ol i wok long go het long wokim bisnis na kisim mani long mipela.

“Na mipela i luksave olsem i gat planti ol arapela samting o isu tu em mipela i no wanbel long en, olsem na i gat as long mipela i askim long gutpela bilong mipela ol sumatin bilong nau, ol wokman-meri na ol sumatin bilong bihain olsem Dokta Onagi i mas risain,” Sumatin lida na mausman Nelson Mollo i tok.

Tasol Dokta Onagi i no laik risain, long wanem em i save olsem i nogat gutpela as long em bai mekim olsem.

“Mi no nap risain long wanem planti ol alegesen ol sumatin i wokim agensim mi long ranim Yunivesiti long laik bilong mi yet em i no tru. Mi bai i stap yet olsem Vais Sansela na sapos ol investigesen tim i laik kamap long UOG na mekim wok painim aut long ol asua bilong mi na ol menesmen tim bilong mi, ol i ken go het na mi no nap stopim ol,” Dokta Onagi i tok.

Ol sumatin long UOG bihain long dispela straik i no wokim gutpela stadis bilong ol nau. Ol i putim asait ol stadis na ol i wok strong long straik bikos bikpela laik bilong ol, em Dokta Onagi i mas risain. Ol sumatin i tok sapos Dokta Onagi i no nap long risain, ol bai wokim mes widrowol o olgeta sumatin bai lusim Yunivesiti na kamaut na go long ples. Na sapos ol i mekim olsem, UOG bai pas na ino nap operet. Na bikpela hevi em ol papa-mama bai kisim, long wanem ol i wok hat tru long baim skul fin a putim ol pikinini i go long skul long Yunivesiti.

Long Tunde ol sumatin i kamap na wokim lonpela lain long kisim ol foms na pulumapim long kamapim mes widrowol, tasol opis i pas na ol wokman-meri long student services i no bin stap. So ol bai traimgen long Trinde o Fonde o long dispela wik.

Na ol lokel memba na MP bilong Henganofi Robert Atiyafa husat em i wanpela memba bilong Yunivesiti kausel i bin kamap long UOG na toktok long sumatin olsem ol i gat rait long straik na putim aut hevi na wari bilong ol. Tasol ol i noken bagarapim ol stet propeti olsem ol klasrum, domitri, mes na ol arapela fesiliti long Yunivesiti kempas.

“Straik em yupela i ken kamapim nau, tasol yunivesiti em bai i stap long sevim yu, pikinini bilong yu long tumoro na tumbuna bilong long bihain taim. So tingting long dispela na noken bagarapim ol samting we stet i putim ap long givim sevis long yupela na ol pikinini na tumbuna bilong yupela.” Mista Atiyafa i tok.

‘Ol UOG sumatin mas go bek skul nau’ – Polye

Stanley Nondol i raitim

MINISTA bilong Tresari, na Ekting Minista bilong Haia Edukesen, Saiens, Risets na Teknoloji, Don Polye, i laikim ol sumatin bilong Yunivesiti bilong Goroka (UOG), long go bek long skul nau, na sapos ol i bikhet na bagarapim pablik propeti, bai loa i ken mekim-save long ol.

Minista Polye i tokaut long Trinde, olsem em i givim oda pinis long Sansela bilong UOG, Benias Sabumei, long toktok long dispela hevi bilong ol sumatin wantaim Yunivesiti Kaunsil kwik na ripot bek long gavman, tasol Mista Polye i tok ol sumatin i mas lusim straik bilong ol na statim klas gen tude (Fonde).

Em i klostu tupela wik nau we ol sumatin bilong UOG i no go skul bihain long ol i no wanbel long administresen bilong Vais Sansela Dokta Gairo Onagi, na laikim Dokta Onagi long risain bilong wanem ol i tok planti samting bilong administresen na welfe o laip bilong ol sumatin long kempus i no ron gut.

Tasol Minista Polye i tok Dokta Onagi em i stap nau Vais Sansela yet, inap Yunivesiti Kaunsil, wantaim Sansela, i lukluk long olgeta hevi na wari bilong ol sumatin i straik.

Mista Polye, long leta bilong em i go long Sansela, i makim faipela poin we em i laikim Yuni Kaunsil i mas tok-paitim, na ripot i go bek long enk, bai i i ken harim disisen long level bilong gavman.

Dispela faipela poin em:

- Polye i tok gavman

bai wok klostu wantaim Yunivesiti Kaunsil long givim ansa bilong wari bilong ol sumatin, tasol ol sumatin i mas go bek long klas long Fonde (Tude);

- Yunivesiti Kaunsil mas kamapim miting kwik wantaim Sansela, tasol i no laikim Vais Sansela, Dokta Gairo Onagi wantaim ol administresen memba bilong en i stap insait long dispela miting;

- Laikim sumatin lida long toktok wantaim Sansela Benias Sabumei, wantaim tingting bilong stretim dispela hevi;

- Mista Polye i no laikim tru ol sumatin long bagarapim ol pablik propeti olsem skul trak na bagarapim ol bilding. Em i tok dispela em i kriminal pasin na sapos ol i brukim loa, em ol yet , na loa bilong kantri i stap yet na i ken mekim-save long ol; na

- Mista Polye i tok em i bin toktok wantaim Praim Minista Peter O’Neill long apim manimak bilong UOG na tu, ol arapela yunivesiti long neks yia baset bilong kantri long stretim ol skul samting.

Na long wankain taim Minista Polye tu givim wanpela tok lukaut go long olgeta administresen bilong olgeta yunivesiti long kantri long ol mas rispektim raits bilong sumatin long ol mas gat rot olsem SRC long kisim hevi na wari bilong sumatin go long administresen. Minista Polye tok ol sumatin gat rait long toktok long hevi na wari bilong ol na sapos dispela rot i pas, bai ol kamapim kainkain hevi olsem nau long UOG.



Ret Kapet: Gavana Jenerel bilong Australia Quentin Bryce i wok-about kam aut long palamen haus antap long retpela kapet wantaim wanpela protokol opisa bilong gavman long Trinde dispela wik. Poto Nicky Bernard

Gavman tenda i no wok gut, na bikpela pablik mani lus

Stanley Nondol i raitim

SENTRAL Saplai na Tendas Bod, o CSTB, i tokout olsem ol JDPBPC na siaman bilong ol no save bihainim gut rot bilong yusim pablik mani we gavman putim aninit long loa bilong tenda, na lukim bikpela milian kina save lus long pasin korapsen.

Dispela em bikpela wari bilong CSTB bilong wanem gavman save givim bikpela

milian kiina long wok developmen, tasol ol wok no save go long tenda we CSTB bai glasim na skelim gut na givim kontrak tasol na mani save pinis long DSIP na PSIP tras akaun.

Sinia Teknikal Opisa bilong CSTB, Edward Oa, i tok olsem ol memba bilong palamen save ting CSTB no wok gut na ol save hambak tru na paulim bikpela DSIP na PSIP mani.

Em tok ol memba save

givim kontrak aninit long DSIP na PSIP long laik bilong ol we em i tambu tru aninit long loa.

Em i tok kontrak mani abrusim K500,000 em mas go long CSTB o PSTB tasol planti yia tru ol memba no salim kontrak kam long CSTB o PSTB na ol save givim kontrak long laik bilong ol long bikpela milian kina tasol bilong wanem na loa ino mekim save long ol dispela pasin bilong ol memba.

Mista Oa tok kantri gat bikpela hevi tru long rot bilong yusim mani gut long wok developmen.

Em tok JDPBPC nogat pawa nainit long mekim disisen bilong kontrak abrusim K500,000 mas go long Provinsal Tenda Bod na abrusim K5 milian mas go long CSTB. Tasol Mista Oa i tok ol JDPBPC memba wantaim siaman bilong ol husait em memba long palamen, no save bihainim ol dispela rot

na ol yet save tokout long bikpela milian kontrak na makim kontrakta na wok no save kamap long mani mak bilong kontrak stret.

Mista Oa tok dispela em bikpela problem nau na sapos dispela pasin stap yet bai lukim ol pipel long ples bai nonap kisim gutpela sevis na ol besik sevis olsem rot, bris na bai bagrap yet, maski gavman tok sevis bai go long ples na givim bikpela mani, olsem K10milian bi-

long wanwan distrik long 2013.

Mista Oa bihain long givin toktok long ol kibung bilong NCD, Sentral, na Galp Provins long luksave long gutpela rot bilong yusim publik mani long las wik tokim *Wantok Niuspepa* olsem CSTB mas wok hat nau long mekim dispela ol loa mas wok long ol memba mas bihainim gut na mani bilong ol pipel mas go stret long wok long ol ken kisim sevis.

Simbu petisen long kisim pe i go long PNGEC

Eric Sinebare i raitim

MOA long wan handret manmeri bilong Simbu husat i sapotim 2012 nesanel ileksen olsem ol sevis provida las yia, i no kisim mani o ol samting ol i yusim o wok ol i mekim bilong lilektoral Komisien, nau i givim belpen pepa long PNGEC long ol i mas peim ol kwik.

Las wik Fonde, ol Simbu manmeri i mekim wanpela gutpela pasin na soim belpen bilong ol long mas i go insait long opis bilong PNGEC long Kundiawa na autim wari na givim petisen pepa bilong ol.

Ileksen Menesa Steven Gore Kaupa, namba tu bilong em Antonia Nilkare, na Provinsal Ileksen Awenes Stiarng Komiti, Pasto Dominic Minga, Simbu Polis Stesin Komanda, na Provinsal Polis Komanda, Suprintenden Augustine Wampe i stap long kisim dispela pas bilong ol pipel.

Pol Moivo, man i go pas long kisim maus bilong ol Simbu manmeri i mekim wok bilong ileksen, i tok i gat 35 milian kina bilong gavman i putim bilong ronim ileksen, i mekim wok long kantri, na i sot yet na i gat hevi long stretim olgeta dinau i stap yet, long wanem wok o sevis ol manmeri i givim long gutpela kamap bilong ileksen long taim bilong em i go pinis.

"Mipela i wet longpela taim olsem nainpela mun olgeta, na mipela i spendim planti mani tu long go kam long askim na wok raun long wanem wok mipela i mekim.

"Mipela i save olsem yupela ol ileksen wokmanmeri tu i wetim dispela mani long kisim. Yupela helpim mipela na mipela helpim na ol wok bai kamap gut," Mista Moivo i tok.

"Dispela petisen em nau mipela i givim, em yupela lilektoral Komisien i mas peim mipela long taim dispela pepa i go long han bilong Komisina.

"Sapos dispela mani i no kam long sevim mipela, bai dispela lokal level gavman ileksen tu bai no inap kamap. Mipela i tok strong olsem dispela hevi bilong mipela i mas tret, orait, ileksen bai go het. Nogat, bai nogat."

PNG lilektoral Komisina, Andrew Trawen i bin kamaut las wik Fonde na tokout long gavman i mas luksave na givim kwik mani bilong stretim dispela hevi.

"Ol lokal level gavman ileksen, em mipela i no inap long surukim. Ol i stap long taim bilong ol stret, na gavman i mas luksave, na halivim PNGEC long inapim olgeta dispela ol dinau mipela i gat yet long las ileksen.

"Mipela i bin askim long K250 milian, tasol gavman i givim mipela K180 milian tasol. Nau mipela i nogat mani bilong inapim dispela ol komitmen," Mista Trawen i tok.

Polye tok PNG ekonomi bai groa yet

Stanley Nondol i raitim

TREASURY minista Don Polye i tokim wanpela bikpela miting bilong Intanesenel Monitari Fan o IMF na Wol Benk Long Amerika Kapitel, Washington, olsem ekonomi bilong Papua Niugini groa go antap na bai groa moa long ol yia i kam.

Minista Polye taim em kam long aste long dispela bikpela miting bilong wol ekonomik minista long Amerika tokout olsem em lainim plenti samting long dispela kibung na bai tok-

tok wantaim ol minista na memba bilong palamen long kamapim gutpela mani plen o baset bilong kantri long 2014.

Polye tok IMF givim tok lukaut long ol kantri olsem PNG noken kamapim baset deficit o mekim baset bilong kantri long dinau bihain long wol ekonomi bin go daun long las yia.

Minista Polye tok em bai toktok wantaim Prais Minista Peter O'Neill na ol bikpela gavman minista long PNG tu bai noken kamapim baset deficit o dinau.

Minista Polye tok PNG bin sot moa long K900m long 2012 bilong wanem gro bilong ekonomi bilong kantri Saina we save stap antap moa long 16% bin go down long 8% na Saina em bikpela kasatoma bilong PNG husat save baim gol, kopa, na ol arapela risos.

Polye tok bikos Saina bin pudaun liklik i lukim prais bilong ol minerals risos go daun long las yia.

Minista Polye tok PNG gavman mas noken tru yusim bikpela milian long ol wok we ino stap long

plen na baset. Em tok sapos gavman yusim mani long rot ino stap logng plen bai lukim bikpela nid bai stap yet na gavman bai dinau moa long stretim ol dispela hevi na bai bekim gen wantaim bikpela winmani. Em tok dispela em wanpela bikpela toklukaut ol wol ekonomoi ministas bin kisim long IMF na em tok em bai toktok wantaim ol NEC membas na ol tu memba bilong palamen long abrusim dispela na kamapim gutpela baset bilong 2014.

AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments for Farming

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

BEYOND BOUNDARIES SUNDAY, 6PM - 6.30PM

Topic of the week:

Enhancing Financial Inclusion in Papua New Guinea



FM100
 PNG's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMAMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. SOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

GG bilong Australia wokim wanpela wik raun long PNG

WANPELA wik wokabaut bilong Gavana Jenerel (GG) Quentin Bryce bilong Australia husat tu i namba wan meri GG bilong kantri i bin lukim em i raun long 4-pela provins olsem long Nesenel kapi-tel Distrik, Oro, Milen Be na Is N u Briten, long lukim ol ples i gat histori, strongpela wok pren namel long tupela kantri, ol helt, edukesen, difens na meri isu.

GG Bryce i bin kamap long kantri long dispela wik Mande bihainim askim bilong GG bilong PNG, Se Michael Ogio.

Tude, GG Bryce i go pas long ANZAC De Memoriel Sevis long Bomana Woa Matmat long tingim planti soldia bilong Australia, Nu Silan, Inglan, Amerika na PNG tu i bin dai long Namba Tu bikipela pait moa long 70 krismas i go pinis.

Em i putim flawa olsem mak bilong tingim ol dispela soldia husat i bin dai long givim yumi fridom na gutpela sindaun yumi gat tude.

Bihain long dispela seremoni long Bomana, em bin kalap long balus i go long Kokoda long tingim gen ol lain i dai long Wol Woa 2 na tu, soim sore long tingim Praivet

Bruce Kingsbury VC we ol bin kilim dai em long Isurava long 1942.

Em bai putim flawa long Memoriel we ol bin bildim long Kokoda Taun long tingim ol soldia bilong Australia pastaim em i flai i kam bek long Mosbi siti long bung wantaim ol Palamen lida na kisim balus long go long Milen Be Provins.

Long namba wan de em i pondaun long Mosbi, em bin bung wantaim Praim Minista, Peter O'Neill na ol, i toktok long ol samting i karamapim helt na edukesen na ol wok go het long ol samting i karamapim ol meri long PNG.

Taim Mista O'Neill i givim luksave long bikipela mani, risos na ol arapela helpim gavman bilong Australia i givim long helt na edukesen, em bin tok gavman bilong em i givim bikipela helpim long tupela sevis eria long kamapim gut helt kea bilong pipel na fri edukesen long ol skul pikinini long elementeri i go inap long Gred 12.

Em bin tokim GG Bryce olsem ol meri i wok long kamap ol gutpela lida long bisnis na pablik sevis.

Taim Mista O'Neill i amamas long bikipela mani helpim we gavman bilong Australia i givim, em bin tok gutpela samting em ol progrem we Australia i sapotim i no wankain na givim hevi long ol developmen projek gavman bilong PNG i wok long ol.

GG Bryce i tok em i amamas long dispela namba wan wokabaut bilong em i kam long PNG na lukim naispela ples i gat planti grinpela bus, ol diwai na flawa samting.

Em bin givim luksave long ol woa keria bilong PNG husat i bin mekim bikipela sakrifais na sapotim ol soldia bilong Australia long WW2 kempein.

Em i tok em i amamas long stap insait long ANZAC De selebren hia long PNG.

GG Bryce i bin bung wantaim Praim Minista O'Neill, GG Se Michael Ogio, Gavana bilong Is Nu Briten, Ereman Tobaining Junia na em i stap insait long ol raun tebol bung toktok wantaim ol meri lida bilong kantri long Palamen Haus.

Em bai lusim PNG tumora bihain long lukluk raun i go long Milen Be Provins.



Jack Kila (namel) wantaim ol sios memba bilong Ragetta Luteran Sios wantaim haus lotu long baksait. *poto by Mathew Yakai*

Bel Peris holim konprens

Mathew Yakai i raitim

amamas stret," Mista Kila i tok.

TAIM solwara antap long Binnen Haba o bris long Madang i slip sore, moa long 200 Kristen man, meri na pikinini long Ragetta Literan Sios long Kranket Ailan insait long Madang Provins i stap sambai long lukautim dispela yia anuel Bel Peris Konprens neks wik.

Em i tok long wanwan yia, wanwan kongresen i save gat sans long holim dispela konprens we Betel Luteran Sios long Bilia Ailan i holim las yia, na dispela yia Ragetta Luteran Sios i holim.

Dispela ol Kongregesen em; Yabob Luteran Sios long Yabob asples, Betel Luteran Sios long Bilia Ailan, Sen Bergman Luteran Sios long Siar asples, Good Shepherd Luteran Sios long Riwo asples na Ragetta Luteran Sios long Kranket Ailan.

As bilong dispela konprens em long bungim olgeta kongregesen lida long givim wanwan ripot bilong ol long ol wok bilong sios, na seket bai lukim ol hevi na birua ol i bungim na painim ol. Na rot long stretim wok bilong ol na Kristen bilip bilong ol manmeri i mas groa bikipela.

Jack Kila em konprens plening komiti memba na yut kodineta bilong ELC Ragetta Luteran Sios i tok dispela bung i lukim moa long 50 maus man na meri bilong dispela 5-pela kongregesen i bung long paitim toktok, na givim ripot long ol wok bilong wanwan kongregesen, na painaim aut we bilong stretim ol kainkain hevi i bungim wok bilong sios long dispela taim.

Long wankain taim, Mista Kila i tok ogenaising komiti bilong em i bin salim pas i go long ol bisnis haus na ol kampani bilong Luteran sios long givim sampela helpim tasol nogat wanpela bekim i kam yet.

Invitesen i op long olgeta manmeri tasol wanwan kongregesen long kam wantaim 10-pela memba."

"Dispela i no nap stopim mipela bikos mipela i redi pinis long kamapim dispela bung. Ol manmeri i redi na wok bai go het yet," em i tok.

"Ol 7-pela klen long ailan i bin mekim ol wok redi long kamapim dispela konprens na mipela i

Ragetta Luteran Sios i stap antap long Kranket .

Dispela ailan tasol i bin statim Luship Kampani bilong Luteran Sios we i nau kamapim bikipela win mani bilong Luteran Sios.

I no long taim i go pinis, Kambang Holdings em mama kampani bilong Luteran Sios na ol narapela han kampani bilong Luteran Sios i bin kisim planti tok baksait long kain nogut menesmen stail bilong ol.

Luteran Sios em i wanpela bikipela sios insait long kantri, bihainim Katolik, na i save kamapim planti wok bisnis na tu, bihainim plen bilong kantri na developim kantri.



TUPELA LIDA BUNG: Praim Minista Peter O'Neill i bungim na welkamim GG Quentin Bryce taim em kamap long kantri long dispela wik Mande. *Poto: PM's Midia Yunit*

NASFUND FM100 TALKBACK SHOW
MONDAY - FRIDAY, 9AM TO 12PM
 Participate and be heard on an open forum on National Radio



FM100
 PNC's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUJ 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCI 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Laip i senis taim tupela man i kam insait long laip bilong ol...

Frieda Kana i raitim

Stori i kam long laswik...

LAIP bilong Baeau na ol pikinini i senis taim tupela man i kam insait long laip bilong ol.

Nambawan man em Jisas, pikinini bilong God. Sampela yia i go pinis, em i painim wanpela bikpela sik na em i no nap wokabaut. Pikinini man bilong em i save karim em i go i kam long waswas na toilet. Nau wanpela taim las pikinini boi bilong em, Leke i kam na tok strong long em bai go lotu na bai ol i prea long em na em bai kamap orait.

Taim em i go long dispela lotu na ol i prea long em, tru tumas sik bilong em i pinis.

Em i go lotu strong yet long dispela lotu ol i kolim Agape intadinominesenal Ministri. Taim em i go insait long dispela lotu God i stat long wok insait long laip bilong em.

Emi lusim pasin bilong pilai kas, dring bia, kaikai buai na salim simuk na buai, bikos em i harim olsem dispela i save bagarapim bodi bilong man meri.

Nambatu man i kam insait long laip bilong em nau em man i laikim pikinini meri bilong em na i kam long haus na askim long maritim pikinini meri bilong em. Dispela man em i bikpela soldia man na pikinini em yangpela meri i gat 18 krismas tasol. Tasol Baeau i glasim gut na lukim dispela man em i wanpela gutpela Kristen man. Em i lukim olsem dispela lotu man i ken lukautim pikinini meri bilong em na helpim long lukautim em na ol



Mis Baeau wantaim las pikinini Leke i soim sampela klos em i samapim bilong salim.

narapela pikinini tu, olsem na em yet i tok orait long pikinini bai marit.

Dispela man i kam na bungim han wantaim Baeau long kirapim gutpela haus i gat haus antap na haus aninit wantaim pawa na wara na olgeta pikinini bilong em i ken stap insait na em i save helpim ol arapela husat i nidim haus.

Na meri husat i raitim dispela stori i wanpela bilong ol dispela kain famili i stap long lukaut na haus bilong dispela meri nau i nap 3-pela yia.

Dispela lotu i salim em i go long wanpela skul bilong kamap adalt literesi tisa. Bihain long em, em i wok long

wanpela priskul long Taurama Rot yet.

Dispela em i fesim sampela hevi na i lusim gen na go helpim long tisim ol sampela pikinini bilong setelmen long Kipo, is Boroko inap long 1 yia.

Dispela em i voluntia wok tasol, nogat pe. Bihain tupela sista bilong em i peim skul fi bilong em long go lainim gutpela we bilong samapim klos wantaim wanpela man Tolai i bin kam long Rabaul. Dispela em i kamap bikpela helpim tru long laip bilong em.

Nau em i gat wanpela pawa masin bilong somap long haus na em i save somapim klos na sket na salim. Wantaim

helpim bilong God, olgeta klos bilong emi no save stap nat-ing, ol meri i save kam long haus yet na baim.

Tasol dispela we bilong kisim mani i no save kamap olgeta taim, nogat. i gat planti taim em nogat mani long baim laplap bilong mekim klos bikos em save yusim mani long ol hevi bilong famili bilong em na femili bilong man bilong em long dai, baim meri, helpim sikman na kain samting olsem.

Pasin bilong laikim bilong God i mekim na nau em i kamap Kristen kausela mama bilong Wimen ov Hop we em i save lukautim na helpim ol mama na pikinini meri husat i nogat haus, famili na nogat wok insait long Mosbi siti.

Sampela taim ogenaisesen i peim em na planti taim nogat tasol God i save lukautim em.

Tok bilong mama Baeau i go long ol wavu mama na ol singel mama insait long Motu-Koitabu na Mosbi Siti em:

"Yu mas lain long trastim God na noken go painim man na mani long rot taim yu gat nid. Em bai yu painim sik na hevi long laip bilong yu na fas-mili bilong yu. Yu mas lotu na putim bilip long God antap bikos tok bilong baibel i tok, God yet em i man bilong ol meri nogat man, na papa bilong ol pikinini nogat papa. Em i promis long lukautim yumi man moa long ol pisin na ol flawa long bus."

Planti lain kisim helpim long stori bilong dispela meri na tu long pasin bilong laikim em i gat long laip bilong em.

"Mi save tokim ol pikinini bilong mi, laip em hat tasol, wantaim God olgeta samting em yu i nap long mekim na kamapim gutpela sindaun bilong yu." Baeau i tok.



Yut, Meri
na Famili

Pastor
Barbara Lunge

Bikpela bikhet pasin i soim olsem em i las de nau

BUK 2 Timoti sapta 3 na lain 1 i go 5 i tok, "Tasol yu mas save olsem, long taim bilong las de planti hevi nogut tru bai i kamap."

Ol man bai laikim ol yet tasol, na ol bai laikim tumas long kisim mani. Ol bai i litimapim nem bilong ol yet na hambak nabaut, na ol bai i tok kros na tok nogut long ol arapela. Ol bai i sakim tok bilong papamama, na ol bai i no tok tenkyu long ol manmeri i mekim gutpela pasin long ol. Ol bai i givim baksait long ol pasin bilong God.

Ol bai i no save long pasin bilong stap pren bilong ol arapela, na taim ol i kros, bai i nogat rot bilong pinisim kros bilong ol. Ol bai i tok nogut long ol arapela. Ol bai no bosim laik bilong bodi bilong ol, na ol bai pait na bagarapim ol man nabaut. Ol bai birua long olgeta gutpela pasin.

Ol bai i mekim nogut long ol pren bilong ol yet, na ol bai i bihainim kwik olgeta kranki tingting bilong ol yet. Ol bai i tingim ol yet i bikpela man tru. Ol bai laikim tumas ol kain kain pasin bilong amamas bilong dispela graun, na ol bai i no laikim God.

Ol bai i bihainim pasin bilong God long skin tasol na ol bai i no save liklik long bikpela strong i stap long pasin tru bilong God. Yu mas stap longwe long ol dispela kain man."

Pasin nogut i kamap olsem wanpela wara i tait i kamap antap long ol pipel long dispela taim.

Loa na oda i mas kamap strong moa yet, ol sios i mas kirap na sanap strong long mekim moa wok wantiam ol yut, famili na marit progrem long pait long dispela birua i wok long kam.

Olgeta lain i mas yusim pasin bilong laikim i kam long God long helpim ol yut, ol wokman na ol arapela lain husat i pilim bikpela hevi.

Lainim long pasin bilong tanim i go long God na harim tok bilong God, papamama na ol lida bilong sosaiti.

Taim man i traim olgeta rot na i sot long save, em taim stret we bai yumi kisim strong long God na em bai senisim sindaun bilong yumi bilong em yet bai kisim biknem.

Buk 1 Timoti, sapta 1 lain 14 i go 15 i tok olsem, "Na Kraus Jisas, Bikpela bilong yumi, em i marimari moa yet long mi, na em i krapim mi long bilip long em na long givim bel bilong mi long ol arapela.

Kraus Jisas i bin kam long graun bilong kisim bek yumi manmeri bilong mekim sin. Dispela tok em i tru olgeta na em inap long olgeta man i harim na bilipim. Na sori tru, mi yet mi bin mekim sin moa yet na mi stap olsem nambawan man bilong mekim sin."

Olsem na yu mas kam singaut long Bikpela Jisas tude na em bai kisim bek yu long olgeta pasin kalabus bilong sin na ol hevi.

Yu noken traim long stretim hevi bilong yu o sindaun bilong yu long strong bilong yu yet. Em bai yu pilim i hat moa na bai yu i nap long mekim sin long taim yu laik sot katim kona bilong yu yet.

Sapos yu laik save moa; toktok wantiam wok-meri bilong Bikpela, **Barbara Lunge, Rivers of Grace Intenesenal Ministri. P.O. Box 3063, Boroko, NCD, Papua New Guinea. B Mob 67331426 OR 71075829 DG.**

Matilda Pilacapio kisim strongpela meri luksave

WANPELA meri lida i save tok-tok strong long humen rait na lukautim environmen i kisim luksave long gavman bilong Amerika long dispela wik.

Matilda May Pilacapio i winim 2013 Intanesenel Strongpela Meri awod we Stet Dipatmen long Amerika i save givim luksave long ol meri bilong olgeta hap bilong wol olsem maski ol inap kisim bagarap, tasol ol i karimaut-long strongpela lidasip na pasin we ol i no pret long tokaut na mekim wok long sait bilong lukautim humen rait, ol meri i mas sanap long wankain level olsem ol meri, na wok go het long sosel sait.

Embasi bilong Amerika long PNG i bin nominetim Ms Pilacapio husat i wanpela lokol humen rait ektivis long kisim luksave awot we em i kisim long dispela wik insait long wanpela seremoni i bin kamap long Don Bosco teknikel Sekonderi skul, Gabutu long Nesenel Kapitel Distrik.

Long histori na wok bilong em, Mis Pilacapio i wok olsem

humen rait ektivis moa long 30 krismas.

Em i kam long ples Leileiafa, Suau eria long Milen Be Provins.

Ol bin makim em olsem namba wan meri lida long provinsel asembli long Sauten Rijen.

Embasi bilong Amerika i givim stori na wok bilong Ms Pilacapio olsem em i strongpela grasrut meri bilong wok long go pas long ol grasruwok bilong lukautim environmen na agrikalsa, long strongim ol sistem o rot bilong planim ol gaden kaikai olsem ol tumbuna pastaim i save wokim, moa yet nau taim provins nap les bilong em i gat ol welpam plantesen.

Long wankain taim tu, Mis Pilacapio i save karimaut ol awenes long skulim ol fama long groim tupela krop o gaden kaikai, na i no planim wanpela krop tasol.

Mis Pilacapio i skulim tu ol fama na ol bai save long tok-tok wantiam ol kamapani taim ol i laik lisim o rentim graun bilong ol.

Olsem environmen ektivis, em save karimaut ol wok awenes we ol rut o rop bilong welpam diwai i go long bus-graun bilong ol pleslain bikos rut bilong welpam i save dringim na pinisim planti wara long ol graun na bikbus bilong ol.

Mis Pilacapio i wok wantaim ol intanesenel environmen ogenaisesen olsem Renfores Eksen Netwok (RAN), na em bin mekim ol welpam kampani long bihainim ol rot we ol bai no nap bagarapim ol bikbus na graun.

Opis bilong Embasi bilong Amerika i tok Mis Pilacapio i go het long makim pipel bilong dispela kantri lojg toktok long ol kain kain hevi na wari i karamapim ol.

Em i go pas long ol toktok long ol erisa olsem edukesen, environmen na ol meri grup olsem Milen Be AIDS Kaunsel n a Alotau Wimens Asosiesen.

Em bin toktok strong agensim "poligamy" o man i maritim moa long wanpela meri, long sapotim Bil we Gavana Julie

Soso i kamapim long kamapim loa long PNG long rausim poligami na man bai maritim wanpela meri tasol. Dispela i wanpela rot long helpim kontrolim HIV na AIDS i kalap long moa pipel long dispela kantri.



STRONGPELA MERI: Matilda Pilacapio i kisim awot o luksave long Embaseda bilong Amerika, Walter North long Pot Mosbi. **foto:** US Embasi Midia

Ol ilektoret long NCD bai gat wan wan haus sik

Veronica Hatutasi i raitim

BAI gat ol wan wan haus sik bilong ol 4-pela ilektoret long Nesenel Kapitel Distrik long sevim planti ol pipel bilong ol.

Ekting Provinsel Helt Edvaisa na Dairekta bilong Kurektiv Helt Sevis wantaim NCD Helt Sevis, Dokta Jerry Tanumei i tok olsem long las wik insait long seremoni we Sen John's Gerehu Distrik Haus sik i bin kisim ol nupela masin bilong glasim blut na bilong imejensi yunit.

PNG Sastenebol Dvelopmen Progem (PNGSDP) i bin baim ol nupela masin wantaim manimak inap long K246, 720 na prisenim i go long haus sik long las wik Fonde.

Sevenpela nupela masin i gat long em tupela masin long monitaim lewa haus sik bai yusim long dispela wok long imejensi rum, wanpela masin ol bai yusim long sekim lewa long ol lain i gat sik long lewa, tupela masin ol i yusim long sekim na monitaim level bilong oksijen long blut, tripela speselais imejen si bet, tupela imejensi trola we ol bai putim ol samting we ol dokta na nes i yusim long imejensi, ol marasin ol i redim long yusim long imejensi, wanpela masin bilong testim blut na kidni, liva, lewa i wok olsem wanem na ol narapela tes moa na masin bilong glasim blut ol i kolim long hematoloji

analaisa ol bai yusim long sekim ol kain sik long blut.

Taim Dokta Tanumei i tok tenkyu i go long PNGSDP we Sif Eksekutyv Opisa bilong em, David Sode, na Progem Menesa, Lawrence Stephens, i bin stap long presentesen seremoni, em bin tok NCD Helt Sevis i wok long groan a ol senis tu i kamap.

"Ol bai apgretim Gerehu Haus sik i go long distrik level. Na wanwan ilektoret long NCD bai gat haus sik we bai gat ol speselis dokta yet bilong ol, helt ekstensen opisa (HEO), leboretori na famasis," Dokta Tanumei i tok.

CEO bilong PNGSDP, Mista Sode i bin tok PNGSDP i amamas long helpim Gerehu Distrik Haus sik we i sevim 160,000 pipel bilong Mosbi Notwes ilektoret, na wantaim ol narapela hap bilong siti, Sentrel na Galp Provins, haus sik i save kisim 14,000 sik manmeri insait long wanpela mun.

Em i tok PNGSDP i amamas long kamap olsem hap bilong haus sik i wok long groa, na em bin autim bikpela tok tenkyu i go long Sen John's ogenaiesen, ol dokta na ol nes bilong em long gutpela wok na sevis ol i mekim long dispela haus sik.

"Yupela ol nes wantaim ol tisa i save mekim bikpela wok, pe i no gutpela, tasol mi gat planti taim long yupela," Mista sode i bin tok.

Sif Komisina bilong Sen John's, John Waingut i tok ogenaiesen bilong em i amamas long wok patna wantaim Nesenel Dipatmen bilong Helt na ranim Sen John's Gerehu Haus sik.

Em i tok Sen John's em i wanpela Kristen ogenaiesen na wantaim Seven De Edventis (SDA)Sios, ol i wok bung wantaim long lukautim dispela haus sik long fisikel, sosel na spiritual sait.

KATIM RIBEN: CEO bilong PNGSDP, David Sode i katim riben insait long seremoni bilong givim ol nupela imejensi na testim blut na lewa masin i go long Sen John's Gerehu Haus sik taim Dokta Tanumei, Pasto Danny Philip, Ward 11 komyuniti lida Mato Posu na narapela bikmeri i lukluk stap. **Poto: Veronica Hatutasi**



OL WOKMANMERI: Sampela ol wok manmeri bilong Gerehu Haus sik i sindaun na soim amamas long PNGSDP i givim ol nupela masin bai helpim ol gut long wok bilong sevim ol siklain long en. **Poto: Veronica Hatutasi**

Nupela senis long Kilakila Sekenderi

Frieda Kana i raitim

SAMTING olsem 1,300 sumatin bilong Kilakila Sekonderi Skul I (KSS) long Nesenel Kapitel Distrik (NCD) wantaim ol papamama bilong ol i ken amamas nau na wok bung wantaim nupela skul menesmen long kamapim gutpela ples bilong ol sumatin in ken kisim save long skul.

Long dispela mun, Provinsel Edukesen Bot bilong NCD i makim pinis nupela skul prinsipel na tupela nupela deputi prinsipel long ranim KSS insait long NCD.

Moa long dispela, ol papa mama husat i kam long wanpela miting long Sande 14 Epril, i makim nupela eksekutyv bilong Perens na Sitisens Asosiesen (P&C).

P&C bilong KSS i bin pinis long wok stat long las yia i kam na Presiden, Manu Lewa i bin wanpela tasol mekim dispela wok long ronim wok bilong skul i stap.

KSS i save kisim nem nogut long ol tisa i no save kamap long skulim ol pikinini i nap sampela yia nau na ol papamama i save wari tru tasol sem



Nupela prinsipel na deputi wantaim ol nupela P&C eksekutyv memba bilong Kilakila Sekenderi Skul. Fron: L-R Misis Amelia Tau, makim Apa Sekenderi, Lucy Wala, Tresera, Frieda Kana, Sekreteri, Mista Camillus Lakae, Vais Presiden. Long baksait: L-R Francis Saju, nupela Prinsipel, Manu Lewa, P&C Presiden, Geidilo Philemon, Deputi Prinsipel Edministresen, Dominik Arekau, makim Lowa sekenderi na (Ino stap long piksa em Evelyn Demacale, Deputi Prinsipel, Akademik) **Poto: Kilakila Sekonderi Papa.**

taim i nogat P&C tu long ol bai karim wari bilong ol i go.

Ol papapmama husat i bin stap long dispela P&C miting i amamas tru long harim olsem PEC i bin rausim pinis olpela prinsipel, Mista Banai, na makim Francis Saju olsem nupela prinsipel.

Mista Saju i bin tok olsem stat long Janueri taim skul i stat, KSS i no bin gat inap tisa long skul. Dispela skul em i level 9 skul na em i mas gat 45 tisa long skulim ol pikinini long olgeta de, tasol

istresen nau em Mista Gedilon Philemon, em pastaim tisa long Gerehu Sekonderi, tasol bipo em tu i bin wanpela tisa long KSS.

Narapela deputi prinsipel bilong akademik em Evelyn Demacale, em pastaim bin Het ov Dipatmen bilong Saiens.

Mista Saju i bin tok olsem stat long Janueri taim skul i stat, KSS i no bin gat inap tisa long skul.

Dispela skul em i level 9 skul na em i mas gat 45 tisa long skulim ol pikinini long olgeta de, tasol

mipela i no bin gat dispela namba.

Mipela bin sot long 7-pela tisa na ol i bin gat 38 tisa tasol olsem na planti tisa i save pilim bikpela hevi long mekim dabol wok na sampela taim ol i no kamap long skul na dispela i givim hevi long ol pikinini i no kisim gut skul.

Tasol nau mipela i amamas long tok olsem mipela i gat 45 tisa i stap long skul na long tem 2 mipela laik lukim sampela gutpela senis i kamap.

Usema bris bruk givim bikpela hevi long Brahman

WANPELA helt senta long Brahman stesin long Usino-Bundi distrik long Madang wantaim Brahman haikul nau i sot long marasin na tu kaikai saplai bihain long bikpela tait-wara i brukim graun long tupela sait bilong Usema bris. Nau yet bris i pundaun pinis.

Dispela bris we i stap long Yakumbu-Brahman rot i pundaun long stat long dispela yia, na ol pipel i bringim ripot i go long Madang provinsal Woks Dipatmen na ol atoriti, tasol nogat wanpela wok i kamap long en inap las wik dispela hevi i go bagarap olgeta.

Pundaun bilong Usema bris i givim bikpela hevi long helt sevises we i save sevim moa long 2000 pipel bilong wod 17 na 18.

Brahman Hais skul we i gat moa long 700

sumatin bai lukim em i pas bikos long dispela hevi Usema bris i kamapim.

Narapela ol hevi we i kamap wantaim Usema bris em olsem 4-pela elementeri skul we i rejijista, tupela praimer skul na jeneral komyuniti wantaim ol tisa na pablik sevan nau i lukim prais bilong ol stoa kaikai i go antap.

Wanpela wokman long Brahman, John Tomokai, i tok olsem Brahman hai skul na helt senta i save kisim olgeta saplai bilong ol long rot trenspot, na wantaim hevi nau i stap long Usema bris, ol i kisim hat taim stret.

Ol pipel bilong Brahman i tok olsem hevi bilong rot bagarap i kamap bikos long planti taim bikpela ren i wok long pundaun long eria bilong ol na i bagarapim rot. Ramu Riva

long sait tu i givim sampela hevi long ol rot arere long en taim em i tait bikpela.

Long nau yet turangu ol manmeri long Brahman stesin i wok long yusim ol por kanu na dingi long go kam long hapsait. Ol i save peim K5 long go kam long hapsait long kanu na dingi.

Long nau yet nogat kar i muv i go kam long Brahman stesin, na wanpela long-taim waitman long Brahman, Max David i tok stretim rot em wok bilong gavman, tasol long ol yia i go pinis, nogat inap wok i kamap long dispela Yakumbu-Brahman rot.

I gat ripot tu olsem bikpela ren i wok long pundaun insait long ol bus ples long Madang na dispela i mekim ol bikpela riva i tait na i ken givim moa hevi long ol rot tu.

Ol Katolik Bisop i laik witnes long ol Sosel Netwok

Pater Giorgio Licini, PIME, CBC Sosel Komyunikesen

NUPELA Midia na Sosel Netwok em wanpela long ol samting we ol Katolik Bisop bilong PNG na Solomon Ailan i bin lukluk long ol insait long Anuel Jenerel Miting o bung bilong ol i bin kamap na pinis long las wik long Alexishafen, Madang Provins.

Sekreteri bilong Sosel Komyunikesen em Pater Giorgio Licini, na Sekreteri bilong Sosel Konsens, Pater Phil Gibbs i bin tromoi ol toktok long dispela i kamaut long tebol long ol bisop i glasim, skelim na toktok long en.

Ol bin glasim tu mesej bilong Emeritus Pop Benedict 16 we em bin mekim long 2013 Wol

Komyunikesen De wantaim het tok, "Social Networks: Portals of Truth and Faith: New Spaces for Evangelization".

Taim em i klia olsem Sosel Komyunikesen nau i rot bilong komyuniket wantaim arapela, hevi ol bisop long PNG na Solomon Ailan i bungim em long Intanet Sevis i no strong, sampela taim i no wok gut na sevis i kostim bikpela mani.

Tasol ol yangpela pipel i stap long taun i no isi long yusim intanet sevis taim ol lain i stap long ol ruel eria i wok long kamap isi isi long "wol waid web" long sevis we Dijisel i givim aut.

Komyunikesen long intanet i save mekim taim na ples i kam klostu, brukim ol banis na kisim infomesen, kalsa na entateinmen, strongim ol pipel long

save long planti samting, i go long planti lain hariap tru na tu, mekim pipel i save long gutpela na nogut bilong intanet.

Olsem na Sosel Midia i kamapim nupela envaironmen na nupela laipstail we i no laikim sios i yusim na i stap, tasol long witnesim Gospel long nupela envaironmen we ol manmeri i stap long en.

Taim sampela bisop i stap pinis long Fesbuk, ol i gat ol blog na ol i save komyuniket plantin taim long intanet, ol narapela i nogat tumas bikos long intenet komyunikesen i no gutpela tumas long ples ol i stap long en.

O ol i painim hat long go insait long nupela rot bilong komyunikesen.

Moa yet, em i klia olsem bai ol i kamapim ol kateketikal, litejikal na ol pastoral progrem onlain long intanet long ol Sosel Netwok ol bai karimaut wok stadi long ol pastaim we i ken wok long PNG na Solomon Ailan.

Ol bisop bilong PNG na Solomon Ailan na ol pastoral woklain i save painim ol yet i kamapim dabel pastoral plen.

Wanpela bilong ol manmeri i stap long ol ruel eria na narapela bilong ol dispela i stap long ol taun.

Long dispela taim, intres i stap long ol yangpela o nupelas jeneresen long redim ol yet long ka map ol witnes long Tok bilong God long ol Sosel Netwok, taim long bihain taim bai dispela i wari bilong jenerel populesen.

Tok lukaut mas go long ol lain i wokim giaman toktok

ASKIM i go long Nesanel Gavman long salim wanpela tok lukaut i go long ol sios husat i save lainim na skulim pipel long gat prèt pasin.

Na i gat wari long ol tok giaman toktok sampela sios i mekim long giaman profesi we ol i sutim mak bilong 666 long Katolik Sios. Na kamapim bel-nogut namel long ol pipel we ol i sapos long helpim senisim laip bilong ol i kamap gutpela.

Wanpela sios lida long moa long 30 kris-mas bilong Wewak Katolik Daiosis i autim dispela wari na kolim wanpela sios na sampela lain liklik sios long wokim ol dispela profet giaman toktok .

"Long tingting bilong mi, ol lain i wokim ol dispela giaman sut toktok long 666i laik kirapim bel nogut namel long pipel bilong yumi.na olsem, olgeta de ol i toktok long 666. Sapos ol i toktok planti long dispela, em i ken kamap long sios bilong ol.

"Devil em i strongpela na tingim ol brata susa bilong mi. Sapos yu toktok moa long em, yu wok long promotim nem bilong em na i no bilong God, Jesus na Holi Spirit.

"Dispela pasin bilong giaman profet i wok long ron olsem paia insait long dispela kantri na mekim ol pipel pret, nogut ol i kisim mak bilong 666 long pes bilong ol o long han bilong ol," lidaman ya i tok.

Em i tok sapos PNG e mi wanpela Kristen kantri olsem is tap long Mama Loa, yumi noken pret, tasol putim het i go daun na brukim skru na pre long God long stopim dispela samting i kamap long kantri bilong yumi.

Lidaman i tok i no gutpela long sampela sios i tok baksait long Katolik Sios, tasol long ol lain husat i save autim tok long go aut na kisim i kam insait long sios ol lain tematan o dispela i no save yet long God.



SIOS MEDIKEL KAUNSAI BUNG: Sampela long moa long 200 wok manmeri bilong Sios Medikal Kaunsel i bin sindaun long wanpela wik Anuel Jenerel bung bilong ol long las wik long Holide In, Pot Mosbi. *Poto: Veronica Hatutasi*

Singaut long ol yut

SINGAUT i go long ol yut bilong dispela graun long harim singaut bilong Bipela husat i laik salim ol wokman i go aut long haves o mekim wok long karim kaikai long en.

Hetman bilong Katolik Sios, Pop Francis i wokim dispela singaut long las Sande em Vokesen Sande long kalenda bilong Katolik Sios.

Pop Francis i bin mekim toktok bilong em bihainim Gutpela Seped o wasman na ol sipsip bilong em we em i lukautim ol gut na tu, gat gutpela pren pasin namel long ol.

Em i tok Jisas i yusim dispela piksa bilong Sefet na sipsip bilong em long mekim kamap long ples klia luksave ol i serim na gutpela pren pasin.

"Seped i singautim ol sipsip na ol i luksave long en na bihainim em i gutpela piksa stori," Pop Francis i tok.

Em i tok sapos yumi bihainim singaut bilong Jisas, em bai kisim yumi i go long

gutpela rot long laip. "Rot we bai yumi skruim yet bihain yumi dai," Pop Francis i tok.

Long ol yut i bin stap long Misa Lotu long Sen Peter's Skwea, em bin askim ol long harim singaut bilong Bikpela na bihainim.

Na ol yut i bin amamas paitim han bilong ol.

"Ol yut i mas karimaut sevis. Yupela i tong olsem? Askim Jisas wanem samting em i laikim yupela long en na yupela i mas strong. Askim em lon g helpim yupela i kamap strong.

"Baksait long olgeta vokesen long kamap pater o rilijes laip, sampela lain i save pre strong, olsem wanpela bubu, mama, papa na komyuniti.

"Olsem na Jisas i bin tok long pre long God bilong Haves em Papa God inap salim ol wokman bilong em i go aut long kisim ol kaikai," Pop Francis i tok.



STORI TASOL
wantaim
Fr Paul Liwun

Santu Misa long LNG Kem

STAT long mun Februari 2013, mi bin wokim santu Misa wantaim ol Katolik manmeri i wok wantaim LNG na stap long Papa-Lealea kem. Sampela Misinari bilong ol Sariti Sista (MC) na Ministran boi na gel bilong Hanuabada i go wantaim mi.

Olgeta Sarere apinun, long 6- kilok, bas bilong kampani i kam na kisim mipela.

Tasol namel long wik, mipela i mas salim nem bilong mipela husat i laik go long LNG kem bikos ol ministran husat i save helpim pater long givim komyunio, na sol Sista i save senis senis.

Lotu i stat long 7.30 pm. Planti taim mipela i kamap long kem long 7 kilok nait, bikos bas bilong kampani i save wokabout isi isi. Limit bilong ran bilong bas em i daunbilong long 60 kilomita.

Ol lain long opis i save monitaim ol.

Sapos draiva i draiv antap long 60km/hour, opis man bai singaut long redio na tokim em long draiv isi. Ol i putim sefti i go pas.

Taim mipela i kamap long get namba wan, i gat strongpela sekyuriti i stap.

Ol bai sekim nem bilong mipela na givim ID kad long mipela.

Sapos yu nogat nem long lista, ol bai no inap larim yu go insait long kem. Sapos olgeta i kisim ID pas pinis, mipela i go long namba tu sekpoin.

Sekyuriti i sekim mipela gen. Olgeta i mas kam aut long bas na wokabout long wanpela skringing masin, sekim wanem samting yu gat.

Sapos ol i painim samting dangerous o i ken kamapim birra, yu bai i no nap go insait long kem.

I gat planti manmeri i wok insait long kem. Namba bilong en inap long 10,000 manmeri.

Ol i kam long kain kain kantri, PNG, Philippines, Indonesia, India, Korea, Bangladesh, Australia, USA na ol narapela moa.

Planti manmeri bilong PNG i stap long ples. Bas bilong kampani i kisim ol na lusim ol bek.

Tasol planti PNG tu i stap insait long kem, olsem dokta, nes o narapela i wok long haus kuk, na narapela yet.

Ol i gat haus sik bilong ol yet long intanesenel stendet.

I gat kem A, B na Paionia.

Mipela i wokim lotu long Paionia kem.

I gat wanpela bikpela hal o rum i stap.

Olgeta de ol i yusim long skul na trening bilong wokmanmeri, tasol long Sarere bai kamap haus lotu bilong Katolik. Yu bai i no inap misim dispela ples, bikos long fron bilong hal i gat nem bilong KATOLIK i stap.

Olgeta Sarere, i gat namel long 300-400 manmeri i kam long misa.

I no olgeta wokmanmeri i Katolik. Sampela Muslim, Hindu, Budis na narapela Kristen Lotu.

I gat naispela singsing grup bilong ol na planti manmeri i amamas long singsing na prea wantaim. Santu Joseph, wokman em i was santu bilong Katolik Komyuniti long LNG.

Wanwan liklik kampani insait long LNG i save lidim lotu, ridim baibel, prea, na ofa prosesion.

Ol i wok long 24 awa

Sampela i wok long nait, sampela i wok long de. Olsem na i no olgeta Katolik i kam long lotu.

Lotu i pinis long 8.30 pm na mipela i save stori wantaim ol na lusim kem long 9 pm.

Taim mipela i go aut, long nambawan sekyuriti sekpoin, mipela i mas go aut na wokabout long skringing masin gen, na long fron sekuriti sek poin mipela i givim bek ID pas bilong mipela na kam bek long Hanuabada. Olgeta taim mipela i kam kamap long Hanuabada long 10 kilok long nait.

Wok manmeri bilong LNG i no lusim tingting long God.

LNG i givim bikpela pe long ol, tasol dispela pe i no inap baim sol bilong yu.

Plantu LNG wokmanmeri i kam long narapela kantri na ol i stap longwe long pikinini na famili bilong ol, tasol ol i laik stap klostu long God.

Long Lotu ol i bai kamap wan wantaim famili long ples o long kantri bilong ol.

God i papa bilong olgeta samting.



BIHAIN LONG BIRUA: Wanpela meri Saina bilong ples Ya'an long Sichuan provins i karim pikinini meri bilong em na abrusim bikpela bagarap i kamap bihainim wanpela bikpela guria i kamap long Baoxing kaunti long Mande dispela wik.

Askim long halivim taim strong bilong Aussie dola bai stap yet

OL BISNIS lida nau i askim long sampela halivim taim strong bilong Australia dola i kamapim wari na ol man-save i ting strong bilong dola bai stap tupela moa yia yet.

Planti ol bisnis lain bilong kamapim na salim ol samting, i bin tok strong bilong dola i putim Australia long hatpela ples, long ol kantri em i save mekim wok bisnis wantaim, taim planti ol samting ol i baim na bringim i kam insait long kantri ol i salim long liklik prais – we ol inap mekim o dispela dispela samting hia.

Sampela i bin askim Risev Benk long sampela halivim, na ol i pret nogut ol lokol bisnis bai bungim hevi taim ol mani i kam long maining bisnis, i stop.

Tony Weber, bilong Federal Semba ov Atomotiv Indastri, i tok sapos dola i stap strong sampela tai mi kam, moa bagarap em inap kamapim long tred, olsem long wok didiman, ol sevis, wok maining, na bisnis bilong kamapim ol samting, o menufek-saring.

Em i tok sapos Australia i nonap painim maket long ol arapela kantri long wanem long strong bilong dola, Australia bai no inap resis long wokim bisnis long domestic maket long wanem long strong bilong Australia dola.

Em i go het na i tok dispela bai inap

kamapim bikpela wari long ekonomi.

Na taim strong bilong dola i go daun, mani long maining bisnis i slek long bihain taim, Australia bai nogat ol kain bisnis olsem ol i gat nau.

Kar bisnis bilong Australia nau i kisim bikpela taim stret long bisnis bilong en.

Strong bilong dola em kar kampani Holden i bin bungim, we em i tok i bikpela astingting i mekim em long katim 400 ol wok long Adelaide fektori bilong em na tu, Ford, long kamap wantaim wankain tingting bilong em long katim planti handret ol wokmanmeri long Viktoria las yia.

Amerika no laik luk-save long askim bilong Not Korea

AMERIKA i bin rausim askim bilong Not Korea olsem Not Korea i mas kisim luk-save olsem em i nuklia pawa kantri, na sapos dispela em i tru, na i orait.

Bihain long planti wik long ol toktok kros long tupela kantri bilong Korea, wantaim tu Not Korea i toktok long kamapim nuklia woa, long ol dispela de i go pinis, Not Korea i stat toktok long holim miting long bekim ol toktok i bin kamap olsem i mas i gat toktok i mas kamap namel long Amerika na Saut Korea.

Rodong Sinmun niuspepa bilong Not Korea i bin kros na i tok em i no stret long Amerika na Saut Korea i kamapim tingting

olsem Not Korea i rausim olgeta nuklia wewens bilong em na pasim pastaim olgeta tingting bilong em long testim ol nuklia roket bom, pastaim long dispela miting inap kamap.

Dispela niuspepa bilong Not Korea i go het na i tok sapos Demokratik Pipels Ripablik bilong Korea i sindaun long wanpela tebol wantaim Amerika, i mas i gat wanpela tingting namel long ol kantri i gat ol nuklia wewens, na em i no gutpela long wanpela kantri i fosim narapela long rausim ol nuklia wepen bilong em.

Na Amerika i bin kwik long rausim toktok bilong Not Korea gavman olsem ol i nuklia wepen kantri.

Thomas Countryman, husat i Asisten Sekereteri bilong Intanesenel Sekyuriti na 'Non-Proliferesen' i tok dispela askim bilogn Not Korea em i kisim luksave olsem em i nuklia wepen kantri, em bai gutpela o bai no gutpela.

Mista Countryman i go pas long wanpela lain bilong Amerika long go stap long tupela wik toktok long kamapim wanpela tok orait bilong nuklia non-proliferesen long Jeniva long Swisalen.

PNG polis no arestim wanpela yet long kilim dai long Hagen

POLIS long PNG Westen Hailans provins i wok long go het yet long traim

painim ol dispela lain i bin kilim wanpela Australia turis na repim gelpren bilong en long stat bilong las wik.

I kam inap nau, long dispela taim, ol i no pulim kalabusim yet ol birua man long dispela hevi.

Papua Niugini Praim Minista Peter O'Neill, i bin autim strongpela tingting kros bilong en long kilim dai bilong dispela Australia turis na repim gelpren bilong en.

Bihainim ripot bilong NBC Hagen, ol i bin kisim gelpren bilong man i dai long en, i go long Maunten Hagen Jeneral Haus sik, na i wok long kisim halivim long hap.

Solomon Ailans i makim namba 25 yia bilong MSG

SOLOMON Ailans i makim namba 25 yia anivesari bilong Melanesia Spiahet Grup o MSG, we em i wanpela memba bilong en, long Trinde.

Pemanen Sekreteri bilong Foren Afes, Joy Kere, i tok planti ol kain ektiviti i kamap long Honiara bilong makim dispela MSG anivesari.

Em i tok long hap bilong opisal seremoni, Praim Minista Gordon Darcy Lilo bai toktok long ol bikpela wok we MSG i kamapim long rijen bilong Melanesia long 25 yia bilong en.

Solomon Ailans gavman i singautim ol kainkain kampani we i save wokim bisnis aninit long rot bilong MSG, long soim aut wok bilong ol olsem hap bilong dispela selebresen.

Mis Kere i tok i gat tu ol sampela kain so long sait bilong ats, kalsa, na musik bilong Solomon Ailans na ol arapela Melanesia kantri.

Ol memba kantri bilong MSG nau i Papua Niugini, Solomon Ailans, Vanuatu, Fiji na Nu Kaledonia.

UNESCO askim Pasifik long strongim Kalsa

VANUATU i bin holim wanpela woksop bilong ol Pasifik kantri long painim gutpela we bilong lukautim kalsa.

Ol kantri bilong Pasifik em ol i bin sainim tok orait bilong wanpela tingting bilong Yunaitet Nesens long lukautim gut ol pasin tumbuna, i bin holim wanpela miting long las wik long Port Vila.

Bikpela samting long dispela miting em ol kantri bilong Pasifik i kam wantaim na serim ol tingting long we bilong lukautim gut ol pasin tumbuna bilong ol wanwan kantri, em Yunaitet Nesens lain UNESCO i bin askim ol long en.

Australia Gavana Jeneral i go long PNG

AUSTRALIA Gavana Jeneral, Quinten Bryce, i kam long PNG long makim ANZAC De.

Dispela wik Fonde, namba 25 de bilong mun Epril, em de Australia, Nu Silan, na Papua Niugini, i save gat bikpela luksave na tingim ol soldia bilong ol i bin stap insait long Wol Woa 2.

Gavana Jeneral Bryce bai stap tu long sampela long ol dispela Anzac De Sevis.

Olsem long Fonde moning, em bai go stap long Bomana Komonwelt Woa Semeteri long sevis long bik-moning tru long tingim planti soldia bilong Australia i bin lusim laip bilong ol long dispela namba tu wol woa.

Em bai lukluk tu long Is Nu Briten provins long lukluk long ol projek bilong AusAID.



WANTOK
KOMENTRI

Opim ol buk bilong ol bikpela risos projek

YU save long hamas mani ol maining projek bilong yumi save mekim olgeta yia?

O hamas mani tru i lus pinis long han bilong ol papa-graun o lenona asosiesen?

Sapos gavman i gat strongpela bilip olsem ol dispela samting i ken senisim pasin bilong tromoi nating winmani bilong kantri long ol samting olsem pokis na dring bia, na slip long hotel, orait, em i mas bihainim tru olgeta luk-save na senis em i mas mekim insait long loa, na long ol mani sistem bilong kantri.

Ekstrektiv Indastris Transparensi Inisitiv o EITI, em i wanpela tok wanbel we planti kantri long wol i sainim pinis.

Wok bilong dispela EITI, em long tokaut klia long pablik, long olgeta winmani ol kantri, ol divelopa kampani i save mekim na givim i go bek bilong strongim wok divelopmen bilong pipel.

Planti savemanmeri i wok hat na tuhat tru long pulim EITI i kam long ai na luksave bilong gavman bilong yumi. Nau, Praisin Minista Peter O'Neill i givim tok promis long yumi mas bihainim.

Em i noken abrus. Planti milian kina i save lus long ples tudak, bikos yumi pablik no save long tru tru manimak bilong ol risos projek bilong yumi.

Moa yet, yumi no save sapos ol winmani i save go aut olsem royalti, o takis i go bek long gavman, i save go olsem wanem.

EITI mas kirap kwik, na yumi mas bihainim stret long lukim tru tru kaikai bilong en.

Sapos yumi save long hamas mani ol divelopa na maining kampani i save givim bek long gavman, bai yumi save hamas mani i stap long kirapim wok divelopmen na stretim sindaun bilong yumi.

Sapos yumi save hamas mani ol papagraun bilong yumi wok long kisim, bai yumi save sapos ol i wok kisim bilong gutpela bilong ol komyuniti na liklik ples, o nogat.

Sapos yumi save hamas mani o takis malolo ol kampani i save kisim long gavman, long kam wok bisnis long graun bilong yumi, bai yumi save sapos bagarap na sindaun nogut long ol maining na risos ples, i gat as bilong en o nogat.

Pasin bilong mekim samting long ples klia, em bilong rausim olgeta sut tok na askim bilong ol samting i kamap long ples tudak.

Mista O'Neill, planti long ol pipel bilong yu i lus pinis long stil pasin.

Inap em inap. Wokim samting stret.

Tambu long karim mobail fon i go long skul

Frieda Kana i raitim

KILAKILA Sekonderi Skul insait long Nesenel Kapitel Distrik i gat loa long noken kisim na yusim mobail fon i go long skul.

Ol administresen i bin luksave olsem ol bikpela hevi i painim ol sumatin na skul bikos ol sumatin i yusim mobail fon long salim kainkain toktok na piksa nogut i go i kam namel long ol yet.

Sapos ol i painim wanpela sumatin wantaim mobail, em prinsipel bai kisim na pikinini peim K20 bihain long skul na bai em i kisim.

Tasol Mista Saju i tok, i luk olsem ol pikinini i smat tru na bipo long fon i kamap long opis bilong em, K20 i save kam pas, olsem na ol bai em i senisim gen na i no nap givim bek fon wantaim K20. Ol bai lusim i stap na long pinis bilong skul tem bai ol i



Mista Francis Saju i toktok na Presiden bilong P&C, Mista Lewa na Gedilon Philemon i sindaun klostu. Foto: Frieda Kana

putim long oksen na papa o mama bilong fon i ken go insait long oksan sapos em laik kisim bek fon bilong em.

Ol arapela loa ol i laik strongim em long skul yunifom na loa bilong tok Inglis oltaim long skul.

Long dispela, klas kepten bai kisim 20 toea long wanwan sumatin i tok pisin o tok ples taim ol i stap insait long skul graun. Dispela olgeta mani em bai go long skul na klas fan resing bilong ol.

Ol papamama long P&C miting i bin amamas tru long harim ol dispela gutpela senis i kamap long KSS.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579

Email: editorial@wantok.com.pg
Websait: www.wantokniuspepa.com
Pe bilong wanpela yia. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Ol mama long EHP save long stail somap

Sape Metta i raitim

TAIM save i wok long kamap bikpela long ol man long mekim ol kainkain wok insait long planti sekta bilong bisnis, ol mama tu i wok long developim save long wokim kainkain henkraf samting.

Na somapim ol klos na wokim ol bilum em tupela long ol samting we ol mama i go pas na save gut tru long wokim.

Na ol mama long Goroka- Isten Hailans, long samapim ol klos, ol i ken wokim kainkain kala na stail na samap, na long wokim ol bilum, yu tok long kala na wanem kain stail, em ol i ken wokim na i nogat wanpela meri bai winim ol.

Long bipo nogat planti meri i save tingting long samapim ol klos na karim i go long salim long taun long wanem tingting bilong ol em olsem dispela wok em i hatwok.

Tasol dispela tingting em i go hait nau na nupela tingting i kamap, we ol mama tu i lukluk long mekim kamap sampela samting long helpim man bilong ol na sapotim sindaun bilong famili.

“Nau yet yumi i ken lukim laip em i wok long go long narapela hatpela level, long wanem , taim yumi laik lukluk tasol long fotnait pei bilong ol papa, em i no na long kisim mipela i go long narapela fotnait.

“Fotnait mani em i save pinis insait long tu o tripela de tasol. Dispela i kamap long wanem prais bilong ol samting long stua, maket na ol arapela hap bilong bai ol samting we yumi i save i go na tromoi em i go antap tru.

“So mipela ol mama tu i wari long ol papa olsem na mipela i mas kamap wantaim sampela gutpela tingting long helpim long daunim ol hevi em ol papa i save karim long sait bilong wok na lukautim mipela ol famili.”

Dispela em toktok wanpela lokel na lidameri, em Mopalo Sase, husat em wanpela somap mama i bin mekim long taim Wantok Niuspepa i lukluk raun long wok bilong ol mama long Goroka – Isten Hailans i no long taim i go pinis.

Mopalo i tok, “ol man i save lukim ol meri olsem ol samting nating we ol i ken yusim mipela long karim na lukautim ol pikinini na lukautim olgeta wok bilong haus. Sampela taim long taim ol man i save kros na belhat, ol i save kikim mipela olsem futbol i go – i kam tasol maski, mipela i save sore long ol papa, long wanem, ol i save hatwok long wok na lukautim mipela na ol famili.”

Em i tok long dispela luksave long ol hatwok bilong ol man o papa, planti ol mama tu i laik



Tokim dispela ol mama bilong Goroka – Isten Hailans em Mopalo Sase (lep) na sista bilong em Kila (namel) na Helen Mase long somap bai yu ken kirap nogut long ol stail klos em ol i save samapim.



Sapos yu kamap long Goroka long Isten Hailans na yu tingting long baim ol kainkain kala, sais na stail bilum, bilum dres na bilum kep – Tumbuna maket long senta bilong taun em ples we yu mas go long en. Yu i no nap abrusim. Yu yet go, sekim na bai yu lukim. Na mama Regina William (long poto) em i wanpela mama husat i gat planti save long wokim kain PNG kala bilum dres em yet i save wokim na salim long Tumbuna maket.

kamapim ol kainkain self rilaens wok we ol tu i ken pilaim pat bilong ol long lukautim man na famili bilong ol.

“Planti taim long taim mipela i save sindaun tasol na lukluk long sapot bilong ol papa, sapot bilong ol i save sot long namel o long sotpela taim tasol, long wanem, fotnait pei em i no nap long lukautim mipela i go long narapela fotnait.

“Olsem na mipela ol mama i kamap wantaim sampela tingting long mekim wok self rilaens long helpim na sapotim ol papa tu,” Mopalo i tok.

Em i tok planti mama i save

wok hat tru long wokim gaden, na planti ol mama tu ii developim ol kainkain skills o save long wokim ol kainkain stail long samap, wokim ol mat, gras sket, string beg, ol bilum, bilum dres, bilum kep na planti ol arapela henkraf samting olsem ol nekles, ol bis long putim long han, lek na nek na ol arapela moa samting we ol i ken salim na kisim liklik moni long en.

Nau yet dispela gutpela save na skil i kamap long ol mama na ol i no larim dispela ol save na skil i abrusim ol na i go nating. Ol i mekim yus long dispela ol save na skil long kisim painim liklik

mani long helpim ol yet, man na famili bilong ol tu.

Long Goroka i gat wanpela spesol maket em ol i kolim Tumbuna maket we i stap stret namel long taun. Dispela maket em maket bilong ol mama long provins we ol i save kisim ol tumbuna samting na ol kainkain stail bilum i go hangamapim na salim long ol lokel man-meri na ol nesenel na intanesenel turis long dispela hap.

Tumbuna maket we i bin stat bihain tasol long kantru i kisim independens long Septemba, 1975 i salim pinis planti ol stail bilum na henkraf. Na hanmak bilong planti

ol mama, sampela long ol i dai pinis ol taun na biksiti long PNG na ovasis tu.

Mopalo i tok tumbuna maket i save bringim gutpela nem long ol mama long provins bikos em i maket bilong ol mama. “Na mipela ol mama i amamas long ol lain husat i stap long atoriti olsem Goroka Eben LLG na provinsel gavman long tok orait long mipela i ken salim ol samting long dispela maket na kisim mani long helpim mipela yet na ol famili.”

Em i go moa na tok, nau yet Isten Hailans i makim na kisim pinis meri gavana em Julie Soso Akeke na em i kisim dispela namba bilong gavana long wanem, planti ol mama long provins i bin givim em bikpela sapot tru long taim bilong jenerel ileksen long 2012.

Mopalo i tok, bikos long dispela sapot, gavana Akeke i mas lukluk long helpim ol mama long olgeta level stat long ol lain long grasruts level na i go antap.

“Mipela i sapotim na tromoi vot long em, so em i mas helpim mipela long dispela ol sapot mipela i givim long em long kamap olsem lida bilong provins. Na taim mipela i raitim ol proposel na sabmisen bilong kisim helpim i go antap long em, mipela i no laik em bai bai rausim. Em mas helpim mipela,” Mopalo i tok.

Em i tok bipo em taim bilong ol man long raitim ol kainkain proposel na kisim helpim long ol man gavana. Tasol nau em i taim bilong ol meri long kisim helpim long meri gavana. So meri gavana yu noken pasim dua long ol mama. Larim dua i open i stap na ol i ken kisim helpim.

Madang ken stap naispla ples taim olgeta putim han wantaim

James Geno Kila i raitim

PLANTI taim bai yu harim long redio, TV na ridim long niuspepa olsem Madang taun em 'Beautiful' o naispla ples tru.

Ol yangpela manmeri na tu ol sumatin bilong ol arapela provins long PNG i save skin-kirap na waia-lus stret long go long Madang taim ol i harim musik bilong Gedix o Wali Hits i pairap bikos singsing save tok Madang em naispela taun stret.

Deputi taun meya bilong Madang, Chris Tomongo i tokim Wantok Niuspepa las wik i go pinis olsem, nau yet Madang i wok long lusim planti ol naispela kala bilong en. Dispela em bikos kain kain ol 'Kam-man' na ol lain bilong Hailans i go grisim ol asples lain na baim graun na mekim kain kain ol liklik pipia bisnis bilong ol na mekim Madang i go narakain olgeta i no olsem bipo.

"Mipela ol lain bilong Madang yet i mas bungim han na stretim Madang," Mista Tomongo i tok.

Sampela lain i save stori na mauswara nabaut long ol sumatin bilong arapela provins, na dispela i save kirapim stret bel na tingting bilong ol long go lukim stret Madang.

Tasol, nau yet sampela sumatin bilong ol bikpela skul long Madang i tok ol i wok long senisim tingting bilong ol bikos, ol i stap longpela taim na lukim olsem Madang i no moa nais tumas. Wanem ol i harim pastaim em ol mauswara tasol.

Mi yet mi harim planti ol toktok ol sumatin i mekim, na mi save sore stret bikos mi yet mi em mama karim mi long Madang taun, na mi groap na mekim olgeta skul bilong mi long Madang, na bilong wanem tru ol dispela lain i save tok bilas olsem.

Mi glasim i go na mi yet i painimaut olsem ating toktok bilong ol i tru. Sampela naispela kala bilong Madang long bipo nau i no moa stap.

Em tru olsem sampela papa na mama i save stori olsem long bipo, Madang em wanpela naispela ples we nogat trabel i ken painim yu. Ol man o meri long Nu Taun i ken pinis wok long taun na wokabaut tasol i go long haus. Tude dispela i no moa stap. Sampela taim sapos yu wanpela yangpela meri tasol i wokabaut, bai yu harim planti kain kain toktok nogut o faol toktok ol yangpela man husat i dring yawa o simuk mariwana i tromoi long yu.

Ol setelmen arere long Madang taun em ol ples bilong ol Hailans lain stret. Sapos yu blong Goroka, Simbu, Wabag o Mt Hagen na faol raun stap long Madang taun, go tasol long ol setelmen long Sisiak, Wagol na ol arapela arere long Haiwe rot bai yu isi tasol lukim wanpela wantok bilong yu i raun raun stap. Yes, em tru Hailans i kamap pinis long nambis bilong Madang.


Narapela samting tu em ol naispela nambis bilong Madang



Ol lain bilong Ramu NiCo soim gutpela piksa long rausim pipia long Modilon Rot long Tunde.



Rop bilong Marmar diwai i givim hevi long bikpela Modilon rot oltaim.



Ol olupela ros sip sindaun na mekim solwara arere long Madang taun luk nogut tru. Ol foto: James Kila



Gras i gro arere long Kalibobo lait-haus. Husat save klinim?

stat long Tusbab Bis i go olgeta long Kalibobo na i go olgeta long Madang Risot Hotel i no moa klin olsem bipo.

Tru tumas, ol manmeri bilong Madang taun i wok long sindaun tasol na i no traim long stailim eria bilong ol na promotim naispela kala bilong Madang.

Narapela samting tu e mating Madang Provinsal Gavman i no

tingting tumas long promotim Madang olsem naispela ples we ol turis i ken bringim mani long saptim ekonomi bilong provins. Ol i larim ol pravit bisnis lain olsem Madang Turis Sevises long mekim dispela na ol i kaikai buai long sait na tok ol 'Matu' na i no bisi.

Long Mande, Epril 22 wanpela naispela samting tru i kamap long

Madang. Dispela em wanpela gutpela piksa tru mi laik stori moa long en.

Long Mande, ol wokman meri bilong bikpela nikel projek, Ramu NiCo Menesmen (MCC) i wok-abaut karim ol bilak-pela plastik beg na rausim ol pipia stat long Handy Mart maunten i go daun olgeta long Modilon hausik na stop arere long Paramed.

Taim ol i wokabaut na kolektim ol rabis long rot i go, sampela lain i tok bilas long ol na tok "Em nau, lusim glas-haus na traim mekim wok outsait liklik".

Mi harim dispela ol toktok wanpela mama i mekim taim em i ron long wanpela Toyota lenkrusa kar na mi skelim olsem ating dispela meri i mas gat sik long het bilong em o samting? Ating em yet bai sem long karim rabis plestik na wokabaut.

Wanpela samting tu em dispela wokabaut bilong ol lain bilong Ramu NiCo (MCC) i lukim bikpela Vais Presiden na Dairekta Mista Gu Yuxiang i lusim bikpela ofis bilong em na joinim ol wokman meri na i werim glav na kolektim rabis long rot.

Mista Gu i soim naispela piksa tru long ol bikman o "Matu" bilong Madang. Ating ol yet bai i no inap long daunim ol yet na wokabaut na kolektim o rausim rabis long rot. Sapos ol i mekim olsem ol arapela lain bai daunim nem bilong ol na ol bai sem. Ol i laik nem bilong ol mas stap antap oltaim.

Yes, Madang em naispela ples na sapos olgeta lain stat long ol skul sumatin na olgeta lain bisnis haus na ol manmeri husat i stap long Madang taun i traim long wanpela de long klinim ap dispela liklik taun, ating Madang bai luk naispla ples tru.

Nau yet, plastic pipia i flai nabaut arere long rot. Ol manmeri i ron long kar na PMV na spetim buai goaut long windua na i no wari. Polis tu i no sekim ol kar, na planti taim bai yu lukim ol pasin-

dia i hangamap nabaut olsem ol bilak-bokis o monki bilong Afrika.

Ating moabeta polis i mas go strong na tu ol manmeri husat i stap insait long Madang taun wantaim ol bikpela bisnis haus i mas luksave olsem Madang em ples bilong ol na ol i mas kisim onasip, o kamap olsem papa o mama bilong ples na strongim wok long mekim Madang i stap klin oltaim.

Planti taim ol manmeri i save tok wok bilong klinim Madang taun em wok bilong Madang Eben LLG (MULLG), tasol ol tu i mas helpim na noken tromoi pipia o rabis na bagarapim ples.

Madang i gat naispela solwara na ol rif we i gat ol eria we ol manmeri na pikinini i ken go waswas long en. Tasol atoriti o MULLG na tu ol lida pastaim na Madang Provinsal Gavman i no stretim ples olsem putim simen na banisim solwara na redim ples long ol manmeri long go waswas. Nogat ya. Planti taim rif o ston long Kalibobo na Masin-Gan nambis i save katim lek bilong ol manmeri na ol i save karim sua i go long haus.

Moabeta, Madang provinsal gavman o Memba bilong Madang i mas painim rot long stretim nambis eria bilong Madang.

Narapela samting tu em ol lagun o solwara basis bilong Madang olsem Binen Poin na ol Bilia lagun i gat planti ol ros sip na bot i sindaun i stap. Moabeta, Nesenel Maritaim Sefti Atoriti (NMSA) i sasim ol lain i larim ol dispela pipia na ol i mas rausim ol dispela olupela ros sip na ain na karim i go tromoi long bikpela solwara.

Madang taun i ken bringim bek gutpela nem bilong en olsem 'Naispela taun long PNG' sapos olgeta pipel bilong Madang, ol bisnis haus na ol asples Madang yet i bungim han na wok wantaim na stretim ples.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Host: Angra Kennedy

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Advertisement for Yumi FM featuring a woman singing into a microphone. Text: 'Raun wantaim Wantok kru... Digicel Yumi FM musik awod pulim manmeri'. Includes a sub-headline 'Nicky Bernard i raitim' and a paragraph about the station's mission to support local artists.

EMTV Television Guide

Table with 4 columns showing TV schedules for Fonde Epril 25, 2013; Fraide Epril 26, 2013; Sarare Epril 27, 2013; and Sande Epril 28, 2013. Includes programs like Australia Network, EMTV News Replay, and NRL Round 7.

TORO



BIABIA



KANAGE



TOKWIN

Sutim dai ol man husat i repim meri...

PASIM bilong repim meri i kamap bikpela long dispela kantri nau... Ol man i no respek-tim ol meri nau.. Ol i ting ol meri em samting bilong kisim skel tasol na lusim ol na ron-awe?.. Yu save mekim olsem i gutpela long yu? Yu save tingim ol susa na mama bilong yu tu? Yu repim meri na taim mama na susa bilong yu i painimaut olsem yu wanpela bilong ol man i repim dispela meri bai ol i sem tru bikos yu tritrim dispela tarangu

meri olsem wanpela dok bilong yu. Yu olsem wanpela animol stret!! Nau yumi harim long Hagen ol raskol i kilim dai wan-pela ovasis man na repim meri bi-long em i daunim stret gutpela pasin bilong Papua Niugini stret!.. I no long taim na dispela asua i kamap gen long Karkar ailan long Madang provins.. Madang gavana i harim dispela pasin i kamap long provins bilong em na em i sem pipia olgeta na kraii.. Dispela tu-rangu wait meri kam long mekim sampela wok halivim long kantri bilong yumi na yumi ol pik dok i bagarapim laip bilong em na wok bilong em!. Long autim belhevi bi-

long em, em bin putim wanpela toksave bilong em long wanpela niupepa na autim wari bilong em na laikim gavman mas oraitim **Death Penalti** hariap na kilim dai ol dispela pik dok husat save bagarapim ol meri nating! Kamon Papua Niugini, yumi olgeta manmeri mas kirap nau na sapo-tim dispela **Death Penalti** na gavman mas kamapim strongpela Loa long kilim dai nating narapela na reipim meri nating...Ol asua lain na femili bilong ol tu mas kisim pen bikos narapela tu i kisim pen!! Oraitim **DEATH PENALTI!!**

Tokwin Tasol...

M	A	N	U	S	N	A	L	E	A	H	N	E	T	S	E	W
Y	A	M	V	K	S	I	N	O	L	A	R	T	E	K	E	D
E	A	D	E	A	A	M	E	L	A	B	T	N	E	A	P	C
S	R	E	A	E	I	S	S	E	P	I	K	P	T	A	O	N
N	B	B	V	N	C	L	Q	O	Z	R	N	E	V	Z	K	E
U	N	O	W	R	B	I	A	R	W	F	N	I	D	G	L	S
B	J	R	Q	T	S	U	F	N	H	Z	F	A	T	V	I	N
R	B	O	G	E	N	V	I	L	C	O	H	S	I	D	B	A
E	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	F	I
E	N	G	A	O	P	E	Z	E	S	N	F	V	E	A	C	A
N	T	A	E	L	U	W	S	W	E	H	I	P	D	D	O	H
S	W	B	P	E	I	D	A	L	V	Y	O	L	F	N	U	N
W	E	S	N	U	B	R	E	T	E	N	I	A	P	A	N	E
B	E	I	V	X	N	M	C	P	O	Z	M	G	P	S	B	T
T	N	M	S	W	A	I	O	B	N	C	V	P	P	T	C	S
S	A	U	T	E	N	H	A	I	L	A	N	S	O	R	O	I

Painim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SALUTEN HAILANS

3		6	4		2			5
				3				1 6
		9		5 7				4
9		2			6 7 5			
8 7								6 9
		6 3 9						4 8
4				5 6				3
6 9					2			
5				7				8 6 2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

A	I	R	N	I	U	G	I	N	I			K	A	G	O	A												
																R	I											
P	S		S	I	A	L	E	T								I	R											
L	E											A					L											
E	A	K								K	N					S	I											
S	I		I							O						U	N											
B		P	N							I	P					T	E											
A	I		J							T						I	K	S										
L	T				A					A	I						E	P										
U	I					K	N					K					S	N										
S	R					S	E					T	E					G										
U			D							T						E	T											
Y																K												
T	K	A														S	I	A										
I	E	L				P	A	I	L	O	T	I						M										
S																B	A	L	U	S	A							
I																J	I	U	S	E	A	H	O	S	T	E	S	F

EMTV Television Guide

9:00 PM PGR	60 MINUTES –	3:30 PM	SHARKY'S FRIENDS	5:00 AM G	JOYCE MEYER	8:30 PM PGR	NIKITA S1/EP# 15 - Alexandra	3:30 PM G	KIDS KONA
10:00 PM G	HILLSONG Rpt.	4:00 PM	EGGS – S2/EP#3	5:30 AM G	EMTV NEWS REPLAY	9:30 PM PGR	THE VOICE SEASON 2 EP#10	3:30 PM	SHARKY'S FRIENDS
10:30 PM G	NATIONAL EMTV NEWS – Replay	4:40 PM	SLEEPOVER CLUB	6:30 AM G	TODAY	11:00 PM G	EMTV NEWS REPLAY	4:00 PM	EGGS – S2/EP#4
11:00 PM G	AUSTRALIA NETWORK	5:00 PM G	KITCHEN WHIZ	9:00 AM	CLASSROOM BROADCAST	12:00 AM G	AUSTRALIA NETWORK	4:40 PM	SLEEPOVER CLUB
	MANDE EPRIL 22, 2013	5:30 PM G	FUNNIEST HOME VIDEO SHOW	9:00am	Grade 7 Mathematics		TRINDE EPRIL 24, 2013	5:00 PM G	TRICKY TV EP#2
4:57 AM G	AUSTRALIA NETWORK	5:57 PM G	CRIME STOPPERS	9:50am	Grade 7 Science	4:57 AM G	AUSTRALIA NETWORK	5:30 PM G	FUNNIEST HOME VIDEO SHOW
5:00 AM G	JOYCE MEYER	6:00 PM G	EMTV NATIONAL NEWS	10:40am	Grade 8 Mathematics	5:00 AM G	JOYCE MEYER	5:57 PM G	CRIME STOPPERS
5:30 AM G	EMTV NEWS REPLAY	7:00 PM PGR	WILDLIFE MAN – David Ireland: Surviving Africa	11:20am	Grade 8 Science	5:30 AM G	EMTV NEWS REPLAY	6:00 PM G	EMTV NATIONAL NEWS
6:00 AM G	TODAY	8:00 PM PGR	TOP GEAR: Africa Special Part 2	1:00pm	Grade 6 Mathematics	6:00 AM G	TODAY	7:00 PM G	FACT FILES – Bush Pilots Ep #3
09:00 AM	CLASSROOM BROADCAST	8:57 PM G	EMTV TOKSAVEwith K-Mado	1:50pm	Grade 6 Science	09:00 AM	CLASSROOM BROADCAST	8:00 PM G	TOK PIKSA Ep#14– Repeat....
9:00am	Grade 7 Mathematics	9:00 PM G	COCA-COLA SPORTS SCENE EP#12	2:30pm	DEPI Program	9:00am	Grade 7 Mathematics	8:30 PM PGR	THE MENTALIST SEASON 1 EP#15/23 – “Scarlet Fever”
9:50am	Grade 7 Science	9:30 PM PGR	THE VOICE SEASON 2 EP#9	3:30 PM G	KIDS KONA	9:50am	Grade 7 Science	9:30 PM G	EMTV NEWS REPLAY....
10:40am	Grade 8 Mathematics	11:00 PM G	EMTV NEWS REPLAY	3:30 PM	SHARKY'S FRIENDS	10:40am	Grade 8 Mathematics	10:30 PM G	AUSTRALIA NETWORK
11:20am	Grade 8 Science	12:00 AM G	AUSTRALIA NETWORK	4:00 PM	EGGS – S2/EP#3	11:20am	Grade 8 Science		
1:00pm	Grade 6 Mathematics		TUNDE EPRIL 23, 2013	4:40 PM	SLEEPOVER CLUB	1:00pm	Grade 6 Mathematics		
1:50pm	Grade 6 Science	4:57 AM G	AUSTRALIA NETWORK	5:00 PM G	KITCHEN WHIZ	1:50pm	Grade 6 Science		
2:30pm	DEPI Program			5:30 PM G	FUNNIEST HOME VIDEO SHOW	2:30pm	DEPI Program		
3:30 G	KIDS KONA			6:00 PM G	EMTV NATIONAL NEWS				
				7:00 PM G	HAUS& HOME EP#11				
				8:00 PM G	BUSINESS PNG – Ep#14				

Ol Program na Kilok i ken tenis oltaim...

Raun wantaim Kanage olgeta wik



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Hos Res konman...

Kanage save raun long Hosres ples long Gordens..Em bai raun na lukluk long ol man husat i no save long pilai hosres.. Em bai go na givim ol tip long long wanem em gut-pela na ol i ken bet..Sampela taim bai hops i kam gut na Kanage bai kisim liklik makmak long ol dispela lain. Ol bai hamamas tru na tok olsem Kanage em save tru long olgeta hos..

Wanpela taim em Melbon Kap de stret na Kanage em fesman long go sanap long fran get bilong Hosres ples.. Em bikpela savepes man long hap...

Nau get i op na olgeta i go betim ol feveret hos bilong ol.. Kanage em sambai tasol long givim tip long husat bai bet...Nau em lukim wanpela Wanigela i sanap na lukluk long lis bilong wanem hos bai ran na tingting i stap.. Kanage wokbaut isi tasol na askim man yah, Eh bro, yu laik betim wanem hos?.. Wanix kirap na tok, mi laik betim hos namba 3 tasol em tingting i stap...Kanage kirap na tok, sssh, betim hos namba 12, em gat bikpela moni mak bilong em, 50-1!! Hamas yu gat??...Wanix tok em gat K200 na Kanage tok,



sapos yu betim K200, na hos win, yu bai ris long K2050 stret!!! Wanix em amamas stret na betim hos namba 12...Nau long wankilok, Olgeta hos i resis na Wanix wok long bikmaus long hos bilong em.. Hos em kukim stret na namel long resis hos bilong wanix em givap nau na namba 3 hos i kam abrusim tasol na go long pinis lain.. Dispela hos 3 em Wanix laik bet long en tasol Kanage kam na senisim na em putim olgeta moni long las hos.. Kanage em lukim olsem hos bilong Wanix i lus na em tek-off! Em save em rong pinis..Wanix em belhat tru long Kanage na painim em raun insait long hos res ples... Kanage em lus pinis!!!

Diksy Jay
Rainbow

Maunten paia

Maunten paia long Manam na wesana pundaun long olgeta hap. Planti tru i pundaun long gras kantri long Angoram distrik.

Carl Lenua
Samban base.

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: jwilson@wantok.com.pg

Mi stap long hevi na mi laikim helpim

Dia Laipain

NAU mi wokim Gret 10 long wanpela Hai Skul, na mi laik greduet na go long Sekonderi skul na bihain long wanpela yunivesiti. Tasol bikos step mama, ol brata na susa i no save mekim gut long mi, ating dispela bai no inap kamap.

Taim mi save stadi, ol i save diste-bim o mekim ol samting long bagarapim tingting na wok na taim mi tokim ol long stopim dispela pasin, ol i save tromoim ol tok nogut long mi. Mama bilong ol i save sapatim ol tu. Papa i no save mekim samting long stopim ol. Papa i bin lusim mama bilong mi tru taim em i bel long mi. Mama i bin wok long lukautim mi long Gret 1 inap long 8. Em i skulim mi tu long Kristen pasin. Tasol papa i bin askim mi long trense i go long stap wantaim nau famili bilong em long wokim Gret 9 na 10 na mi stap wantaim ol.

Maski mi wok long bungim ol kain hevi olsem, taim mi wok bai mi lukautim mama, papa, na step mama na ol pikinini. Mi laik bai ol i luksave olsem mi laikim ol olsem tasol Jisas i laikim ol.

Na mi tingting pinis long stap wantaim mama tru bilong mi bihain mi pinisim skul bilong mi. Em i orait long go bek long tru tru mama bilong mi?

Neglected Daughter

Dia Pren



Tenkyu long rait i kam long mipela na tokim mipela long wari bilong yu. Em i no isi long stretim dispela kain hevi.

Mipela i luksave long pilings bilong yu taim step mama na ol pikinini bilong em i no sapatim yu. Tasol mipela i tok tenkyu long yu olsem olsem maski ol i wokim nogut long yu, yu no kros o laik bekim. Yu laki olsem yu gat gutpela mama husat i bin skulim yu long gutpela Kristen pasin. Tasol planti famili i no save serim ol gupela bilip na pasin olsem yu na ol i painim hat long stap wantaim.

Pren, yu toktok long ol wari yu gat wantaim papa bilong yu? Sapos nogat, i moabeta yu painim taim na toktok wantaim em long ol.Em inap singautim famili bung na toktok long dispela samting. Yu ken toktok long mama tru bilong yu long dispela wari yu gat long en na em i ken toktok long papa long traim wantaim.

I moabeta yu strongim yu yet na painim ol poroman husat inap helpim yu na laip bilong yu i ron gut. i gat yut grup long sios bilong yu? Sapos i gat, i moabeta yu joinim ol na kamap hap bi-

long grup.

Em i no isi, tasol yu bin strong na stap na mipela i bilip olsem yu ken strongim yu yet na stap. Mipela i bilip olsem i nogat rong long go bek long mama stret bilong yu bihain yu pinisim skul bilong yu, tasol i moabeta yu tok-save long papa bilong yu nogut sampela kain kros i kamap.

Yu tok bai yu helpim olgeta lain bilong yu long tupela sait wantaim na i gutpela olsem yu gat gutpela lewa i no save kros na laik pasin yu gat long en.

I moabeta yu go lukim wanpela pasto o tupela gutpela Kristen na ol i ken givim yu ol gutpela tokstia.

Pren, yu go het long pre na bilip long God bikos em i save long wanem samting i gutpela long yu. Ritim Proveb 3:5-6.

Bikpela i ken stiaim wokabaut na laip bilong yu.

Pren bilong yu,

Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Simbu Florikalsa
Projek boslain,
Mary Ulka em
namba wan Grup
mamba wantaim
Wara Ega Plawa
Lavasi soim nais-
pela plawa bilong
ol long 2011 Simbu
Plents na Agrikalsa
So long Kundiawa
Dickson Oval.



Simbu flawa na agrikalsa so i redi

Eric Sinebare i raitim

STRONGPELA wok na bilip bilong wok bilong helpim ol manmeri long ples i mekim wok bilong konsavesen o lukautim bus, graun, wara na enimal, i mas go yet na i noken wet long wanem kain hevi o sot bilong kirapim o

kamapim dispela so i slip stap.

Anton Kura, Presiden bilong Simbu Botanikel Klub, i tokim Wantok Niuspepa, olsem dispela so em i kam long hatpela rot na tinting na bilon ol manmeri i nogat luksave bilong gavman na sapotim ol long ol gutpela wok ol i mekim long ples. Planti yia i go pinisi, i nogat wanpela opis i save gat luksave long wanem ol gutpela wok mipela i mekim we i ken halivim na soim rot na painim rot bilong maketim ol flawa o ol gaden kaikai bilong mipela," Mista Kura i tok.

Botani klub i bin kamapim dispela wok bilong kamapim so long givim luksave long ol fama, lain save planim na lukautim ol flawa, nesorim ol diwai, konsavesen grup, NGO, na ol arapela grup i save mekim wok bilong lukautim busgraun bilong yumi.

Mista Anton i tok, dispela yia, em bai sikis yia bilong en, tasol long las yia, "mipela i senis, na lusim i stap, long wanem, taim bilong nesenele ileksen, na mipela i no laik bungim ol kain hevi na birua long taim bilong ileksen, olsem na long dispela yia, mipela i redi long holim dispela so."

Em i tok de bilong so bai kamap long mun Jun, long namba 7 na 8 de long Kundiawa Dickson fil.

"Mipela i luksave long bikpela senis na namba na ol tingting i kirap long givim moa bel-irap long olgeta lain long Simbu na long arapela lain long arapela provins tu bai kamap taim ol samting bilong ol long so.

"Olgeta grup bilong provins i redi pinisi na tu, ol arapela i soim laik long kam long so, na tu, ol meri o man na ol grup long arapela provins o distrk i laik karim samting i kam long dispela so, em mipela i welkam long yupela," em i tok.

"Olgeta grup laik ka mi mas soim laik na tingting we i ken rejista long opis bilong mipela long givim nem tasol na wanem wok projek, mipela bai no inap long kisim fi olsem mani samting."

Mista Anton i tok strong na tokaut i go long olgeta dipatmen bilong envaironmen na konsavesen, forestry, na klaimet senis, agrikalsa na laipstok, wantaim ol politisen bilong Simbu, ol bisnis, na ol arapela lain husat i save long dispela wok i ken luksave na sapotim dispela so long ol sponsa na ol sapota long kamap long so.

"Insait long tupela de so, mipela i invaitim tupela minista bilong envaironmen na agrikalsa, long kam long lukim mipela. Dispela so em i nau kamap olsem namba faiv yia bilong en, na ol gavman i mas givim luksave na sapotim."

Man Sentral winim K20,000 wantaim bemobile

Stanley Nondol i raitim

MOBAIL kampani bilong Papua Niugini, bemobile, i singaut long ol pipel long kantri long stap pas wantaim kampani bilong kantri yet, na winim gutpela prais.

Bemobile i tokaut long dispela hap tok taim ol i tokaut long wanpela man Sentral provins i kamap laki wina bilong K20,000 teks tu win promosen bilong bemobile dro long dispela wik long Pot Mosbi.

Manoka Tau bilong ples Gaire long Sentral provins i winim K20,000 "Mega March give away text to win promosen" bilong mun Mas, we bemobile kampani tok em kamapim dispela promosen long resis wantaim arapela mobail kampani na tok ol pipel bilong kantri mas yusim bemobile.

Nesenele Sels Menesa Satix Teneke i tok bemobile kamapim dispela promosen long salim toksave long ol pipel bilong Papua Niugini olsem bemobile em bisnis bilong kantri yet, na wanem mani kampani kampim em bilong ol pipel na tu em tok kol ret em kam daun long ol pipel ken yusim na toktok long liklik mani.

Bemobile i tok promosen em bilong wanwan mun na planti lain tru i bin salim text I LOVE MY B MOBILE na 35 toea long wanwan teks na MistaTau Bin Salim tupela teks long 70 toea na kamap laki wina bilong K20,000.



MINISTRI BILONG MAINING

Private Mail Bag
Port Moresby Post Office
PAPUA NEW GUINEA

OPIS BILONG MINISTA
BILONG MAINING

Telepon: (675) 321 1961
(675) 321 2945

Feks: (675) 321 4995

PRES RILIS

NESENELE GAVMAN EKSTREKTIV INDASTRI TRANSPARENSI INISATIV (EITI)

Ministri bilong Maining i laik tokaut long luksave bilong en long deklasesen we Minista bilong Tresari, Honorabel Don Polye, MP, i mekim bihainim tok orait bilong Nesenele Eksektiv Kaunsil long kamapim EITI olsem hap bilong komitmen bilong O'Neill-Dion gavman long pait agensim korapsen long fran pes bilong Post Courier long Fonde, Epril 11, 2013.

Maining Ministri, aninit long Dipatmen bilong Mineral Polisi na Geohazards Menesmen, i wok kari-maut wanpela rivi long ol maining loa na polisi i stap nau, na kamapim ol nupela polisi long adresim ol bikpela hevi insait long PNG maining sekta na ol isiu bilong transparensi em i wanpela long ol bikpela wari we i kamaut insait long ol kain kain paitim tok dipatmen i mekim wantaim ol stekholda insait long maining sekta.

Mi amamas long toksave long pablik olsem wanpela long ol nupela provisun we i go insait long draf Maining Ekt, em i bihainim deklasesen bilong Minista bilong Tresari long olgeta peimen i mas stap ples klia.

Aninit long nupela loa, olgeta maining kampani i mekim wok long PNG i mas, aninit long loa, mekim deklasesen o tokaut long wanem mani em i peim long gavman, provinsal gavman, ol papagraun na jeneral pablik long wanem maining projek. Wankain tasol, Nesenele Gavman, aninit long Mineral Risoses Atoriti, ol provinsal gavman na ol papagraun asosiesen tu i mas mekim wankain ol deklasesen o tokaut aninit long nupela loa.

Astingting bilong dispela, em i no bilong painim husat i asua, tasol long mekim olgeta wok mani na bisnis i stap ples klia, na gavman, ol benefisari, ol asples pipel, ol memba bilong pablik na indastri, i klia na save long wanem ol rot bilong yusim winmani i save kambek long rausim ol min-

eral risos i stap long graun bilong mipela.

Moa long en, bai gat wanpela askim long wok-odit i mas kamap, em Mineral Risoses Atoriti yet bai karimaut, long komplaiens o wok-bihainim na regulesen bilong maining indastri long PNG long strongim bihainim bilong ol loa na polisi bilong dispela graun, long takis i go inap long ol agrimen na stetutori komplaiens o bihainim loa bilong gavman, na ol rot bilong givim laisens.

Dispela i min tu olsem ol nupela provision bilong dispela nupela loa bai nidim indastri long givim gavman wanem ol stori na namba we i mas i stap, bilong jioloji o graun na ston bilong PNG, na rausim na yusim bilong en, long taim ol i inapim olgeta askim bilong tok-haitim we i stap namel long gavman na indastri bisnis.

Olgeta stori bilong ol dispela rikwaiamen o askim, bai go aut long ol wok-konsaltesen we bai kamap long namel bilong dispela yia taim Maining Ekt i go aut long pablik long kisim tingting.

Mi laik tok teknyu gen long Nesenele Eksektiv Kaunsil long disisen bilong en long tok oraitim dispela wok, na mi laik toksave long olgeta stekholdas insait long maining indastri, olsem ol dispela ol senis ol i laik mekim, em bilong gutpela bilong Papua Niugini. Yumi noken krosipait na wari long ol dispela senis, tasol wokbung wantaim na mekim kamap ol senis bilong mobeta, na moa klia bihainim taim bilong Papua Niugini.

HON. BYRON CHAN, MP
Minista bilong Maining

Goroka papa-graun pasim wok long banisim ples-balus

Sape Metta i raitim

OL lidaman husat i papa graun long Goroka taun long Isten Hailans i pasim nau kontrakta - Heduru Konstraksen - husat epot atoriti i givim wok long em long banisim ples balus long Goroka.

Ol lidaman bilong ol papa graun long faivpela bikpela hauslain we i raunim Goroka taun, em Faniyufa, Komiyufa, Asaroyufa, Okiyufa, Seigu na Kama, i stopim wok long wanem provin-sel na nesanel gavman i no lukluk long ol askim bilong ol long len kom-pesesen.

Siaman bilong dispela ol papa graun grup, Jack Gopave, i tok ol i pasim wok inap tupela wik, na ol i no nap larim kontrakta long go het long wok inap gavman i luk-

save long askim bilong ol.

"Mipela bai stopim wok i go i nap gavman long provinsel na nesanel level i lukluk na stretim mipela pastai, na bai mipela i larim wok bai i ken kirap na go het," Gopave i tok.

Em i tok ol i bin bringim dispela askim i go long gavana bilong provins, Julie Soso Akeke, na em i bin bringim askim i go antap long opis bilong praim minista, tasol nau yet ol i no kisim wanpela bekim. Olsem na long dispela as ol i pasim wok na wet tasol long harim sampela bekim bipo long ol i go het long kamapim sampela toktok long dispela wok long ples balus.

Misis Akeke i no stap long toktok wantaim ol papa graun long dispela isu, long wanem em i go aut na i stap long ovasis nau long wokim sampela



SENISIM SKIN: Long wok bisnis, sapos yu salim wanpela kain samting olsem dring, long wanwan taim, bai yu mas senisim stail bilong en, long pulim ol nupela kastoma.

Las wik, SP Brewery, kampani i save mekim ol SP bia dring, i senisim kala na stail bilong promotim Ice Beer

dring bilong en.

Ice Beer bottle, we bipo em i bin karim bilakpela lebol long en, nau i senis i go blu.

Ol dispela yangpela meri i bin stap long halivim SP long promotim dispela nupela pes bilong en.

ADB sapatim PNG long groim bisnis

Stanley Nondol i raitim

OL INTANESENEL bodi nau go pas long sapatim Papua Niugini manmeri long mas go insait long benking sekta na sapatim laif bilong ol we nau lukim ol putim moa long K100m long nupela bodi we PNG Maikro Benk kamapim long sapatim PNG manmeri.

Dispela nupela bodi we aste Praim Minista Peter O'Neill opim long Pot Mosbi em nupela Senta bilong Ekselens na Fainensel Inklusen o CEFI we PNG Maikro Benk go pas long en em long halivim surukim benk sevis go long olgeta man meri long ples long ol ken luk-save long rot bilong savim na usim mani na kamapim bisnis bilong ol yet.

Dispela CEFI em wanpela nupela bodi we PNG Maikro Benk na Benk bilong PNG na ADB na Aus Aid go pas na kampim long givim skul tok na mekim olgeta manmeri long mas stap insait long benkin sekta long lukautim mani bilong ol na mekim laif isi long ples ol stap long en.

ADB givim mani halivim olsem dinau long US\$30 milian o moa long K70milian na tu Australia gavman i sapatim wantaim US\$6 milian gen na PNG gavman tu wantaim US\$3.8 milian olsem kaunta fanding. DCEFI bai Yusim dispela ol mani long mekim wok inap long 2017.

Sentral Benk Gavana Loi Bakani na Minista bilong Tresari Don Polye tokout

olsem CEFI bai kamap olsem senta bilong kodinetim ol trening na givim stia tok long ol arapela fainens kampani long ol bai go aut long ol ples long distrik na provins long halivim ol manmeri long mas luksave long rot bilong putim mani long benk na kamapim bisnis.

Mista Bakani tok dispela ol mani long ADB na AusAid em Sentral Benk bai lukautim na CEFI bai go pas long ol wok olsem konsalten na bai wok poroman wantaim ol memba bilong em olsem ol Fainens kampani olsem ol komesel benk na ol tu ol seving na lon sosaiti na ol dispela bodi bai go long ol pipel long halivim ol long wok bisnis.

Dispela opim bilong CEFI long aste i lukim ADB gat bikpela wari long ol pipel bilong kantri bilong wanem ripot bilong ADB tok 5% bilong PNG populesen tasol i yuaim benking sevis na laikim benking sevis mas go long ol ples long olgeta distrik.

Mista O'Neill, Tresari Minista Don Polye, Fainens Minista James Marape na ol bikman bilong ADB na tu Sentral Benk Gavana i tok dispela nupela bodi em long halivim ol pipel long kirapim bisnis na mekim karim kaikai Visen 2050 na ol Milenium Dvelopmen Gol bilong kantri.

CEFI bai stat mekim wok bilong em stat long neks mun na bai lukim planti memba em ol fainens kampani bai kam joinim long wok na givim sevis long ol pipel.

opisel wok. Tu wik i bin stat long las wik, na nau em fainol wik, no gat bekim na wok tu i stop i stap.



Advertise your Business right here!!

We deliver your message right to the remote areas of PNG where others don't go.

Wantok Niuspepa is your medium to communicate your business now.

Niuspepa Bilong Yumi Ol PNG Stret!!



Call the Advertising team on,
Ph: 3252500
Fax: 3252579 or
 Email: wantok.com.pg or
 Website: www. Wantokniuspepa.com



Ramu NiCo makim 'World Earth Day' na kilinim Madang taun

RAMU NiCo Menesmen (MCC) Ltd i soim gutpela pasin olsem em wanpela kampani we i laikim olsem Madang i kamap naispla ples.

Olsem na long makim 'World Earth Day' long Mande, April 22, ol wokmanmeri bilong Ramu NiCo long Madang Bes ofis i mekim wanpela jeneral klinap we ol i wokabout na rausim ol pipia rabis long Modilon Rot.

Ol woklain bilong Ramu NiCo i stat long kisim ol pipia stat long Handy Mart maunten na wokabout i go kamap long pinis bilong eria bilong Modilon Jeneral Hausik.

Dispela jeneral klinap i kisim tupela aua olgeta, tasol bikpela samting tru ol Ramu NiCo wok lain i soim stret olsem taim olgeta lain i wok bung-wantaim na klinim ples o kolektim rabis arere long rot, ples bai luk nais tru na ol lain long nrapela ples husat i raun i go long Madang taun bai i ken luksave olsem Madang em naispela klinpela ples.

Taim program bilong 'World Earth Day' i bin kamaut las wik, Komyuniti Afes ofisa, Ivan Mullul i go bung wantaim Pablik Rilesins Opisa bilong Ramu NiCo, James Kila na ol i raitem program na askim olgeta lain wok manmeri long stap insait long dispela program long pikim rabis long Mande. Darekta na Eksekutif Vais Presiden, Mista Gu Yuxiang i bin givim dispela dareksen bilong wanem Ramu NiCo i mas soim pasin Madang na klinim taun tu.

Toksave pepa i bin go aut, na olgeta wok lain long Madang i save pinis, na long Mande morning, olgeta i bung long fran long Ramu NiCo 'Glas-haus' na wan wan bilong ol i kisim ol glav long putim long han na wanpela bilak-pela plastik beg long putim rabis na olgeta i stat wokabout i go aut long geit na kolektim ol pipia.

Darekta na Eksekutif Vais Presiden bilong Ramu NiCo, Mista Gu Yuxiang i wokabout na kolektim ol rabis long rot wantaim olgeta wok lain, na dispela i soim tru olsem maski olsem em bikpela man tru bilong kampani, em i ken go daunbilu tru na kisim ol pipia long rot.

Dispela jeneral klin-ap we ol wok lain i wokabout na kolektim pipia i stat long 8-kilok long morning taim

stret, na planti ol lain husat i ron long kar na PMV i go kam long Madang taun i opim ai stret. Planti i no save tumas wanem kain de nau na ol lain bilong Ramu NiCo o MCC i bisi long kolektim ol rabis long rot.

Sampela lain husat i no gat gutpela tingting i lukim ol lain bilong MCC i kolektim ol pipia long rot na mekim planti rabis toktok, tasol ating ol yet bai ino inap long go daun na soim pasin long rausim pipia long pablik na wokabout olsem.

Tru tumas, Eksekutif Vais Presiden na Dairekta, Mista Gu i no wari o pret long ol doti o pipia long rot. Em i go daun stret na kisim ol pipia na putim long plastik na wokabout.

Ating sampela ol bikpela man olsem em, bilong ol arapela kampani bai pret na les tru long mekim kain wok olsem bikos ol bai les long daunim ol yet na wokim kain pipia wok. Tasol Mista Gu i soim tru pasin stret bilong Ramu NiCo wantaim het toktok, "Wanpela Ramu NiCo, Wanpela Komiyuniti."

Mista Gu i tok, olsem wanpela kampani i stap long Madang, Ramu NiCo i mas stat long soim em yet olsem em i gat bilip long gutpela bilong bus, graun na wara bilong yumi. Olsem na Ramu NiCo i kisim dispela taim long makim World Earth Day long mekim klinap long hap bilong Madang taun bihainim Modilon rot.

"Mipela i kisim dispela taim long klinim wanpela seksen bilong Madang taun long mekim ples moa nais,

"Olsem na mipela i larim ol wokman meri blong mipela long Madang Bes ofis long stap insait long kain program we Yunaited Nesens i makim log en long soim olsem mipela i gat bilip long gutpela bilong envairomen na i laik klinim ples long mekim envairomen i luk nais," Mista Gu i tok.

Ramu NiCo em wanpela gutpela piksa long ol arapela bikpela kampani long Madang taun, husat planti i no save luksave tumas long ol bikpela de em Yunaited Nesens (UN) i save makim long luksave.

Ramu NiCo i save makim Wol Envairomen De long olgeta yia long mun Jun, we em i save welkam long ol sumatin long ol skul long Madang long go lukluk raun long ofis eria bilong en na tu harim ol toktok long

sait long lukautim gut bus, graun na wara bilong yumi.



Eksekutif Vais Presiden na Dairekta bilong Ramu NiCo, Mista Gu Yuxiang i wokabout kolektim ol pipia rabis long Modilon Rot long Mande.



Ol PNG na China wokman meri bilong Ramu NiCo i bung wantaim na rausim pipia long Modilon rot.



Kar bilong Ramu NiCo wantaim stail draiva Jeffrey Vingu tu i sambai tasol long karim ol pipia lo tromei.



Ol Ramu NiCo na Raibus Enjiniaring wokman meri rausim ol pipia arere long Modilon Hausik.

RAMU NiCO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'

Graun bruk givim hevi long Kawawar maket

WANPELA bikpela rot-sait maket we i save givim sevislong planti lain manmeri husat i save ron long Madang-Ramu Haiwe nau i wok long bruk bikos bikpela ren i pundaun na graun aninit na long sait i wok long surik na bruk.

Kawawar Market em wanpela bikpela na olpela market we i bin kamap long 1980s we stap arere long Madang Haiwe insait long Usino Bundi distrik long Madang provins

Long yia 2010, pas-taim gavana bilong Madang, Sir Arnold Amet, i putim mani long wokim haus na simen long mekim maket ya i kamap gut long sevim ol pipel bilong ples.

Dispela hevi i kamap long Kawawar Maket na i givim bikpela hevi nau long turangu ol rurel pipel bilong ples husat i save bringim ol gaden kaikai olsem taro, banana, na fres kumu long salim long maket.

Maski olsem dispela hevi bilong graun bruk i

kamap long haus-maket na simen flua bilong maket haus, ol pipel i no wari, ol i surikim maket i go liklik arere nau long bikpela haiwe rot.

Olgeta Pasindia na famili ron long dispela Haiwe abrusim Usino Junction na i go antap long mauntain ol i save stop long hap baim Kaikai bilong gaden malolo na go long Madang Taun.

Dispela Sampela yia i go pinis graun i bin bruk baksait tasol blong maket. Planti man na meri pikinini insait long ples na kominiti bilong Somau Garia, Girawa na Sop bilong Usino Lokal Level Gavman insait long Madang i no save surik ol i save go het yet long maket long wanem em wanpela ples tasol bilong kisim moni bilong baim sop, oil, kerosin na ol arapela stua kaikai long sapotim ol manmeri long ples.

Long Las (3 tripela mun igo pinis stat long Januari, Februari kam inap mas long dispela yia 2013 Madang

Province bin ksim bikpela ren dispela i bin bagarapim maket stret we yumi ken lukim bikpela graun-bruk i kapsaitim haus maket gut stret na tu bagarapim faiba optic kebol bilong Ramu NiCo Company.

Mista Robon Lani, husat em wanpela mangi bilong dispela ples Nugu we maket i stap long en kisim maus bilong olgeta lain long ples na i askim Kampani Ramu NiCo Mine Management, Mineral Risoses Atoriti (MRA), Memba bilong Usino Bundi, Anton Yagama na Gavana bilong Madang, Jim Kas long helpim na redim sampela moni na ol pipel i ken katim graun long narapela sait na sanapim haus maket gen.

“Nau yu ken lukim olsem mipela surikim haus maket kam arere long rot stret.

Mipela i no wari long kar bamim mipela long wanem dispela em bikpela nid mipela i gat,” Mista Lani i tok.



Graun bruk na simen long haus-maket tu i bruk long Kawawar maket long Madang-Ramu Haiwe.



FLY NOW with GREAT DEALS from APNG

Port Moresby	↔	Cairns	K 329
Port Moresby	↔	Popondetta	K 199
Port Moresby	↔	Alotau	K 299
Port Moresby	↔	Mt.Hagen	K 299
Port Moresby	↔	Goroka	K 299
Wewak	↔	Mt.Hagen	K 199
Port Moresby	↔	Moro	K 299
Port Moresby	↔	Lae	K 249
Port Moresby	↔	Kokopo	K 399
Port Moresby	↔	Tufi	K 299
Port Moresby	↔	Misima	K 379
Port Moresby	↔	Losuia	K 349
Lae	↔	Kokopo	K 329
Lae	↔	Mt.Hagen	K 199
Lae	↔	Kimbe	K 299
Lae	↔	Cairns	K 549

Fares are one way and for travel between 22nd April and 22nd June 2013. Sales period is 17th April to 30th April 2013. Terms and conditions apply. Fares are booked in W Class. Seats are limited. 4 Days Advance Purchase conditions apply.

Call 16111 / 722 22151 or visit www.apng.com

Airlines PNG
COME FLY OUR WAY

PORT MORESBY - Level 1, Pacific Place, 321 3480
- Waian City, 752 34250
MT. HAGEN - Central Highlands Printers, 542 0662
- Kagamuga Airport, 542 2732
LAE - Micro Bank Hq., Fifth Street, 479 5988
POPONDETTA - Top Town (opp. Memorial Park), 629 7638
ALOTAU - Phoenix White Street, 641 1288
GOROKA - Airport, 532 2512
TABURIL - Airport, 649 9171
KIUNGA - Airport, 649 1125
MADANG - Global Travel, 433 8011
KIMBE - Travel Line, 717 42306
RABAU - Rabaul Hotel, 982 1999

Gavman sapot i bikpela samting



LUK olsem tu o tripela wik nau yumi toktok long ol spot bilong pait olsem nan au yumi lusim liklik pastaim.

Tete, bai mi no inap soim wanpela pilai long yu tasol mi bai givim tingting bilong mi long sapot bilong gavman long spots dispela yia i go inap long 2015 Pasifik Gems long hia.

2015 Pasifik Gems

Bikpela samting we i stap long tingting bilong yumi long spots nau em Pasifik Gems we bai kamap long Mosbi siti long 2015.

Dispela bai namba tri taim bilong dispela bikpela gem i kam long kantri bilong yumi.

Namba wan taim i bin long 1969, bihain long 1991 na nau bai yumi lukim gen long 2015.

Namel long dispela tupela we i kamap pinis, planti manmeri insait long Papua Niugini na Pasifik rijen tu i tok yet olsem dispela gem long 1991 em i nambawan yet long olgeta we i kamap long ol arapela kantri.

Long dispela taim tu i bin lukim PNG i winim kam namba wan ples long winim resis.

Tasol wanpela samting we i save helpim long kamapim kain ol bikpela gem long olgeta kantri, em sapot bilong gavman.

Long taim PNG winim tok orait long holim 2015 Pasifik Gems, ol ogenaia i wok hat tru long winim sapot bilong ol manmeri, ol sponsa, stekholda na tu gavman long lukim olsem dispela i kamap gut.

Insait long dispela taim, kantri bilong yumi lusim tupela yia i go nating na i nogat wanpela wok redi kamap.

Tasol nau, i gat gutpela luksave bilong gavman na planti wok i kamap nau long redim ples bilong gem long 2015.

Long Trinde dispela wik long Yunivesiti bilong PNG long Mosbi, Praim Minista Peter O'Neill i bin kamap na opim wok bilong mekim ples bilong ol tim bilong wanwan kantri long stap long en long taim bilong gem.

Insait long dispela bung, em i tok ol ogenaia bilong gem i noken wari bilong wanem ol bai kisim olgeta sapot bilong gavman bilong em.

Em i toktok strong tu long ol manmeri insait long gavman na ol arapela bikpela posisen long noken i gat wanwan belhevi na laik bilong ol yet, tasol i mas wokbung wan-taim ol arapela manmeri long lukim ol wok i kamap gut long kisim kantri go fowet.

"Yupela inap long sindaun long baksait bilong yupela na kirap na mekim wok nau!" Praim Minista O'Neill i tok.

Em i tok amamas tu long lukim dispela kain wok i kirap bilong wanem em i soim olsem kantri wok long redi long kisim ol manmeri bilong ol arapela kantri kam long lukim ples bilong yumi.

I gutpela long lukim na harim Praim Minista yet soim sapot long ol wok bilong dispela bikpela gem bilong yumi tasol wanwan manmeri husat i wok insait long gavman i noken harim na sindaun tasol, ol i mas kirap na mekim wok tru.

Yumi ken toktok tasol nogat wanpela gutpela samting bai kamap sapos yumi ol manmeri husat i go pas long kain wok i



TOKTOK: Praim Minista O'Neill i tok gavman bilong em bai givim olgeta sapot long spots. POTO: Andrew Molen.

mekim wanpela samting.

Sapos yu mekim wok, ol arapela manmeri bai bihainim yu tasol na sapos yu toktok nating na i no mekim wanpela samting, ol tu bai bihainim yu tasol.

2013 Ragbi Lig Wol Kap

Narapela bikpela samting we i mas kisim sapot bilong gavman tu em ragbi lig wol kap we bai kamap klostu long pinis bilong dispela yia.

2015 Pasifik gems bai kamap bihain long tupela yia tasol wol kap i stap pinis long dua bilong yumi na sampela kain wok i mas kamap long redim nambawan Kumul tim bilong yumi.

Planti ol nius ripot i soim gutpela wok we PNGRFL i mekim long kisim ol biknem man olsem Mal Meninga i kam long helpim tim bilong yumi na tu wok bilong skelim ol gutpela pilaia bilong kantri.

Long wankain taim i gutpela long harim tu spots minista i helpim long stretim ol hevi insait long PNGRFL we i bin bagarapim gem bilong yumi long las tupela yia.

Ol sponsa i save helpim gut ol ragbi tim bilong yumi tasol gavman tu i mas givim

bikpela helpim bilong wanem dispela i nesenel spot bilong yumi we olgeta manmeri save bihainim,.

Wanpela rot bilong gavman long helpim, em long kamapim gutpela ragbi lig stedium we ol intanesenel gem i ken kamap long en tu.

Long aste mi lukim long niuspepa olsem PNG bai askim long holim sampela gem bilong 2017 wol kap long hia, dispela bai no inap kamap sapos yumi nogat gutpela intanesenel pilai graun ong hia.

Em i wanpela bikpela samting.

Gavman i noken tingting long givim mani tasol na lukluk long PNGRFL na ol sponsa yet i painim rot bilong ol long yusim.

Em yet i mas givim han long sampela ol wok i kamap insait long trening na pilai bilong nesenel tim bilong yumi.

Mi laik tok klia olsem, sapot i no min mani tasol, em i ken program, trening, yunifom, helpim bilong haus sik o marasin taim ol pilaia kisim bagarap o sik, kar bilong tim, ples bilong silip na go pilai, i gat planti samting we dispela i karamapim.

Tenkyu long gavman

Gavman em i bikpela samting long olgeta kantri, sapos gavman i no stap gut bai em i nogat strong long sapotim ol pipol bilong en.

Gavman bilong yumi stap gut moa long tupela yia nau na yumi wok long harim na lukim wanwan liklik samting i kamap gut insait long ol spots bilong yumi.

Em i tru olsem i no olgeta manmeri save pilai tasol olgeta manmeri save laik long lukim o harim wanpela gem.

Mi ken lukim olsem gavman bilong yumi gat planti tingting long ol bikpela spots na rapela bung i kamap hia long PNG tasol wanpela samting we bai lukim ol dispela em sapos ol manmeri lustingting long ol yet na mekim wok bilong ol tru olsem ol pei ol i save kisim olgeta foitnait, na narapela em sapos yumi gat ol samting nap les we dispela kain ol bung i ken kamap long en.

Antap long dispela, ating em i gutpela long yumi tok tenkyu long gavman long wanem ol samting em i helpim ol spots bilong yumi long en pinis na yumi ken wet na bilip olsem dispela gavman na planti ol arapela bihain i ken mekim wankain.

Storm redi long Warriors

MELBOURNE i stretim ol yet pinis long pilai wantaim ol Warriors taim kepten bilong Warriors Simon Mannering kisim bagarap na bai no inap pilai long dispela Anzac day pilai bilong ol.

Bipo pilai man bilong Storm Todd Lowrie i tingitng olsem ol Storm mas poret long Warriors long wane mol bin win Storms tupela taim pinis long tai mol pilai wantaim long 6-pela gem tasol dispela em kosa bilong Storm i putim long sait.

Lowrie i tokaut long nupela tim bilong em long we ol Melbourne Storm save pilai.

"Mipela seksek long su bilong mipela ya" Kosa Bellam i tok pilai long Trinde.

"Mipela save rispek long wanem tim mipela kisim taim mipela pilai wantaim na ol Warriors i gat gupela rekot long hia.

Mi bait ok mipela poret tasol mipela gat rispek.

Bellamy i tokim em bai senisim gem bilong ol sapos em lukim Warriors i silek long wanpela sait bilong ol.

Mannering i no stap long lain ap bilong Warriors long wanem em gat bagarap long lek bilong em, tasol em bai bi-

hain tim bilong em long go long Melbourne.

Warriors bin givim taim long trening long kam gut long tete pilai tasol this bagarap i stap yet olsem na ol senisim em wantaim Ben Henry long pilai seken row.

"Mipela bai redi sapos em pilai" Bellamy i tok.

"Em wanpela inpoten pilaia bilong ol, na kepten tu na sapos em pilai bai mipela putim was long em," Bellamy i tok gen.

Storms i no lusim wanpela gem bilong ol long dispela taim pilai stat, ol Warriors i

lusim olgeta gem na winim wanpela gem tasol.

Storms tu gat gupela rekot long tai mol kisim malolo long pilai na kam bek, maski ol pilai bilong i kisim ples long Nesenel tim bilong ol, ol gat rekot long win.

Kosa Bellamy ting olsem dispela pilai long AAMI Pak bai helpim ol taim ol sapota i sapot bai ol bois bilong bai tingting long pilai strong.

Prop bilong Warriors, Sam Rapira bai sten bai long kamap kepten bilong dispela pilai namel long Warriors na Storms.

Ol Bulldog i no stap long hevi

Skipa bilong Kentaberi (Canterbury) Michael Ennis i tok klab i no stap long hevi

BOS i kalap i go long nara-pela na ol tokwin long ol pilaia i no stap gut i go het, tasol kepten bilong Kentaberi, Michael Ennis i strong olsem ol Bulldogs husat i kamap las long leda i no stap long hevi.

Nius long sif eksekutyutiv opisa (CEO) Todd Greenberg i lusim klab long kamap nupela bos bilong NRL i kamap long nogut taim stret bilong klab we long las yia, ol bin kamap olsem maina primia long winim wanpela gem tasol long 6-pela gem ol pilaim pastaim.

Ausait long fil, em no gupela tu. Ol bin tokim star ful-bek, Ben Barba long lusim posisen long stretim ol pesenel hevi bilong em yet, tasol planti tokwin i bin kamap olsem em na sampela ol pilaia gen i laik lusim Belmore.

Tasol Ennos i no bilipim ol dispela tokwin na tok sapos ol i win, olgeta dispela ol tokwin bai no ken kamap.

"Nogat tru", Ennis i tok taim



Michael Ennis

ol i askim em sapos NRL klab i stap long hevi.

"...(long) harim sampela ol samting we pipel i toktok long sampela ol pilaia i laik lusim klab na go - olgeta long pilai grup bilong mipela i amamas.

"Ol man i no luksave o klia long prensip we dispela tim i gat long en.

"Mi save olsem ol pilaia long pilai grup bilong mipela i laik stap na pilai long Bikkdogs.

"Risal tasol long fil em

mipela i nidim na bai mipela i ken muv i go fowet."

I gat ol tokwin olsem Barba husat i bin sedo pilaia na i bin wanpela top pilaia long 2012 bai muv i go long Brisben.

Tai mol i askim em sapos em i wokim samting long stretim ol hevi na ol tokwin, em i tok, "Mi no nap.

"Mi bin askim Ben na mi save lukim olsem Ben i luksave long ol samting we klab i mekim long em.

"Em no soim sampela sain olsem em i laik pilai long nara-pela hap. Nogat nit long mi askim em."

Senta Josh Morris i rijektim ol toktok olsem em i askim klab lon g lusim em i go long junia klab bilong em, Sen George Illawarra.

"Nogat wanpela taim mi askim klab long larim em i lusim klab na go, "Morris i tok.

"Mi wok long kisim ol teks mesej rait, lef na long namel-long ol poro bilong mim wantaim ol kain tokwin.

"Mi no laikim stret ol dispela tokwintasol ol i ka map taim mipela i wok long lus.

"Mipela i mas win long dispela wiken na ol i no mekim ol kain tokwin olsem.

Wantaim strongpela lida olsem Greenberg husat bai go wok long NRL, Ragbi Lig Sentrel, planti ol lidasip wok em bai lusim bai pondaun i go long solda bilong kosa, Des Hasler.

Dispela tupela tu i no es-kepim ol tokwin lain na ol maus bilong ol na tok resis bilong pawa i staf long klab.

Hasler i tok em i tru ol bai lusim Greenberg husat i ed-ministreta bilong gem wantaim ol na sapos em i go, bai ol i painim narapela man long kisim ples.

"Lusim kain man olsem Todd em bikipela wari klab i gat long em, " Hassler i tok.

"Tasol ol bai painim nara-pela man na laip bai go het, na em bai no nap kamapim hevi long futbol".

Civoniceva salim tok lukaut long Taylor

Petero Civoniceva i tok lukaut i go long Dave Taylor olsem taim bilong em i wok long ron sot long NRL sapos em laik mekim nem.

Bikipela fowod Taylor i bin lusim tupela gem bilong Gold Coast bihain long em brukim wanpela bilong ol klab rul na dispela i no namba wantaim em mekim.

Taylor bai go bek pilai long dispela wiken taim em ron long Gold Coast kala taim ol bungim Newcastle, na dis-

pela em gat faiv pela wik tasol long soim kala bilong em long ai bilong ol Kwinslen selekta.

"Mi wanpela bikipela fen bilong bik Dave Taylor" Civoniceva i tok long NRL .com long Trinde.

"Mi bin stap long Broncos taim em ketsim ai bilong mi na mi tupela bin pilai wantaim na olgeta i lukim olsem em wanpela spesol fowod" Petero i tok.

Em tok tu olsem olgeta

manmeri laik lukim Dave long mekim gut nem bilong em long NRL long wanem em gat olgeta samting long pilai olsem spit, hevi na strongpela fowod na dispela olgeta fen bilong em laikim nem bilong em long NRL mass tap gut.

"Mipela lukim planti piksa pinis long sampela na mipela hop Dave bai senisim sampela pasin bilong em na mekim gut nem bilong em long NRL gen," Petero i tok.



Petero Civoniceva

SPOTS DRO RAUN 7

Fonde : Epril 25, 2013

Allianz Stadium
Roosters V^s Dragons

AAMI Park
Storm V^s Warriors

Fraide: Epril 26, 2013

Brookvale Oval
S/Eagles V^s Rabbitohs

Sarare: Epril 27, 2013

Townsville Stadium
Cowboys V^s Raiders

Campbelltown Stadium
W/Tigers V^s Broncos

Sande: Epril 28, 2013

Skilled Park
Titans V^s Knights

Bluetongue Stadium
Sharks V^s Bulldogs

Mande: Epril 29, 2013

Centrebet Stadium
Panthers V^s Eels

Raun 6 Poin Leda

Pos	Tim	W	L	Pts
1.	Storm	6	0	12
2.	Sea Eagles	5	2	10
3.	Rabbitohs	5	2	10
4.	Roosters	4	2	8
5.	Knights	4	2	8
6.	Titans	3	3	6
7.	Broncos	3	3	6
8.	Dragons	3	3	6
9.	Raiders	3	3	6
10.	Sharks	2	4	4
11.	Cowboys	2	4	4
12.	Eels	2	4	4
13.	West Tigers	2	4	4
14.	Panthers	1	5	2
15.	Warriors	1	5	2
16.	Bulldogs	1	5	2

FM100
PNC's Information & Music Leader

FRIDAY 26 APRIL

7.45PM
BROOKVALE OVAL

SATURDAY 27 APRIL

7.30PM
CAMPBELLTOWN STADIUM

SUNDAY 28 APRIL

2.00PM
SKILLED PARK, GOLD COAST

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MAFKHAM 100.5	MT. KAINGUMA 107.1	PALMALMAL 100.8	TARI 100.5	WAU/SULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



MI REDI YA: Pitsa bilong Bears i redi long tromoi bal, em bai holim win bilong Bears long dispela wiken semi fainol.



Ol Spot Eksen poto long wiken...

Ol Poto Nicky Bernard.

DIGICEL KAP: Samuel Koim bilong Vipers i traim long brukim difens bilong Gurias, Vipers i lusim namba wan gem bilong ol long hom graun.



KBK: Junia lig i strong stret long Barakau, ol anda 13 bilong KBK kisim piksa bihain long ol pilai.



SNAX: Tim Menesa na Kepten bilong Lae Snax Tigers, tupela bin kam long Lonsing bilong Digicel Kap.

- Weekend Sports Draws -

Round 13 Draw: Telikom - NSL

27/4/2013	3:00PM	WNB Tavor FC	Vs	Hekari Utd FC	KIMBE	WNB
27/4/2013	3:00PM	Besta PNG Utd FC	Vs	Eastern Stars FC	IKS	LAE
27/4/2013	3:00PM	FC Pom	Vs	NC Civil Oro FC	SIG	POM
27/4/2013	1:00PM	Welgris FC	Vs	Gigira Laitepo Morobe FC	IKS	LAE

Digicel Cup Round 3

Home	Away	Venue
SUNDAY, 28 APRIL		
Enga Mioks	vs. SNS Vipers	Wabag
Agmark Gurias	vs. Snax Tigers	Kokopo
Gulf Isapea	vs. Hela Wigmen	Port Moresby
TNA Lions	vs. Bintangor Lahanis	Kundiawa
Mendi Muruks	vs. Wamp Nga Eagles	Mendi



NETBOL: Junia Netbol bilong Barakau ples tu i wok long strong.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Guria's pilai meka

Gurias soim mak

RAUN tu Digicel Kap gem bilong Agmark Gurias agensim Stop 'N' Shop Vipers long Mosbi, i soim nupela level na mak bilong gem we ol mangi Rabaul i pilai long en nau.

Ol Gurias i kam long baksait long win 18-6 soim ol narapela tim olsem ol bai no inap givim sans dispela yia.

Em i namba tu raun yet tasol ol i soim gutpela mak insait long gem bilong ol we inap long strongim ol gen dispela yia.

Ol Vipers i bin save em bai wanpela strongpela gem na kosa bilong ol, Shane Morris i

putim wanpela strongpela tim tru we i gat moa sais na hevi long en.

Hevi bilong ol Vipers i moa long ol Gurias na gem stail bilong ol i lukluk moa traim na brukim banis bilong ol na skoa.

Tasol Morris i no bin tingim olsem ren i mekim graun i wet na ol hevi man bai no inap ron spit tumas antap long graun malumalu na dispela bai mekim ol i sotwin hariap tu.

Dispela i lukim ol Gurias i gat moa sans long ronim bal bilong wantaim ol spitman long beklain bilong ol.

Long wankain taim, ol

Gurias i lukim olsem ol bai no inap long brukim strongpela banis bilong ol Vipers olsem na ol i raunim ol long sait wantaim spit na save bilong ol long tromoi bal.

Dispela i namba wan taim bilong ol long pilai long Mosbi dispela yia na ol manmeri pulap long lukim ol save na stail ol i yusim long winim tupela strongpela tim long Kwinslen long Jenuari dispela yia.

Na ol i soim stret dispela strongpela tingting na gem we i mekim ol i kamap sempion long 2012.

Wanpela samting tu we i lukim ol i kam bek strong long namba tu hap bilong gem long winim ol Vipers, em long stail gem bilong ol we i lukim ol i no stop o isi long namel bilong gem.

Ol i pilai wankain gem long stat i go inap long pinis na dispela i lukim ol i painim spes insait long difens bilong ol Vipers.

Vipers i bin skoa pas wantaim fulbek, Josaiha Abavu tasol em i no bin inap long stopim daunim ol Gurias husat i kam bek wantaim tripela train a tupela kik long win.

PNG Karate man tim kisim Bronze

PNG Karate Developmen Skwad husat bin go pilai long Australia bin kam bek long kantri long dispela wik. Dispela tonomen bin kamap long Sydney na tim bilong PNG em Julius Piku, Doris Karomo, Crystal Mari, Billy Junior, Dominic Sipapi, Timothy Alovare, Jimmy Pius, John Ali na kosa bilong Willie Leslis.

Tim PNG bin lusim olgeta

pilai bilong ol long wanwan manmeri tasol ol man Kumite bin laki long kisim bronze long sinia man tim.

Dispela namba tri ples tu bin go long Niu Kalodonia (New Caledonia) we ol tu bin kisim bronze, namba tu ples i go long Saina (China) Nesenel tim we ol kisim silva na Australia yet bin kam namba wan long kisim gold.

Dispela pilai bilong silva na gold bin kamap long tripela de we Saina bin go pas long skoa, tasol bin kam daun long ol pilai man bilong ol bin kisim liklik bagarap long lek na pinga bilong em.

Ol tim husat i pilai long dispela tonomen i kam long, Saina, Japan, England, Fiji, Niu Kalodonia, Nu Silan, Rusia na Papua Niugini.

Tim PNG em pat bilong 2015 Developmen skwat husat bai stap insait long tim Papua Niugini long SP Gem we bai kamap long Papua Niugini.

Presiden bilong bilong Karate, Carl Mari i tok tenkyu go long Sport Federesen long helpim ol long kisim ol go daun long dispela tonomen long helpim lainim na redim ol yet long Pasifik Gems.

Bikpela salens bilong Snax Tigers

Bustin Anzu i raitim

SNAX Tigers Klub bilong Lae i gat bikpela wok long mekim taim ol i bungim Digicel Kap Primia tim Agmark Rabaul Gurias long namba tri raun bilong dispela pilai long asples Kokopo long dispela wiken.

Tigers, bihain long tupela win bilong ol long asples Lae ragbi lig graun long tupela wik ago pinis bai kisim bikpela salens long Rabaul.

Dispela em long namba wan taim, Snax Tigers, bihain long kisim ples bilong Lae Bombers tripela yia ago pinis long stap insait long dispela pilai resis, i winim ol pilai long as ples bilong ol.

Maski dispela bikpela na gutpela win bilong ol, pilai long

mat mat Kalabond long Kokopo em wanpela bikpela salens yet. Insait long tupela yia resis bilong Digicel Kap, Snax Tigers ino winim Guria long as ples bilong ol.

Maski nupela kosa Stanley Tepend i kamap wantaim planti ol nupela pes we i ting i ken mekim sampela bikpela senis long tim bilong en long dispela yia, Tigers bai pilim Guria long dispela wiken.

Snax Tigers i winim namba wan pilai bilong ol long Lae long wanpela potnait igo pinis agensim Wamp Nga Mount Hagen Eagles na bihain kilim stret Simbu Lions wantaim wanpela gutpela skoa lain. Tupela win long asples.

Gurias tu wankain, nekim MRDC Mendi Muruks long Rabaul na bihain dastim Pot Mosbi Vipers long Lloyd Rob-

son Oval long Pot Mosbi long las wiken. Wanpela win long asples na narapela long aut-sait.

Kepten bilong Snax Tigers Sydney Fred i gat bikpela wok long mekim long wanem, olupela kepten na Kumul seken rowa Mark Mexico bai strongim yangpela fowet bilong Gurias long dispela Sande.

Fred, husait i putim han antap long keptenim Snax Tigers bihain long Mexico i go long Radaaz, i save gut long Mexico na tim bilong em long Rabaul.

Wankain tu, Mexico save gut long Tigers olsem wanpela tim tasol long ov-sisen, Tepend i bin kisim planti ol nupela pes na dispela bai mekim Mexico long pilai strong long nupela ples bilong em.

Olgeta ol olupela pilai bilong Snax Tigers i lusim pinis pilai na igo long ol narapela hap long pilai na wankain, ol nupela pes long narapela senta i kam soim pes na dispela bai mekim tim orait yet.

Guria i wokim gut tru long rikrutmen long ov-sisen na bai i nogat sampela hevi long bungim Tigers.

Em i gat planti ol gutpela pilai olsem Don Aiye, Ase Boas, Wartovo Puara Junior na olupela winga na senta bilong Snax Tigers Travis Vaninara husait i soim planti spirit long ol pilai pastaim na i ken strongim dispela pilai bilong ol long Kalabond long Kokopo.

Tupela tim wantaim i winim tupela gem bilong tupela pastaim na dispela pilai bai skelim husait tru i min long pilai insait long Digicel Kap 2013.



Skelim mani long moabeta rot bilong yusim

OLGETA kona bilong kantri nau i kamap rot bilong ol spots tonamen long kamap insait long ol komyuniti, tasol ol i save kisim sponsasip halivim long ol politisen o bisnis.

Mi nogat belhevi long dispela, tasol mi luksave pinis olsem gutpela, longpela taim sindaun bilong spots na ol gutpela bilong en, i no stap. Ol dispela samting i ken samting olsem ol teknikal developmen progem olsem wok kosa, refri, spots administresen, na spots marasin.

Taim ol tonamen i kamap, em i kamap wanpela taim tasol. Em bai no inap kamap gen, inap wanpela yia bihain. Long wankain taim, olgeta tim is tap insait long kompetisen i save go bek nating. Olsem wanem bai ol tim i ken kisim sampela gutpela samting long ol sponsa. Na i no mani tasol?

Mi save olsem ol sponsa bai laik lukim bekim bilong manimak ol i givim. Ol i laikim bai ol sapota i bihainim gut ol pilai long givim gutnem long ol. Ol sponsa i laikim bai nem bilong kampani bilong ol, na ol prodak bilong ol i kamap klisa. Dispela em i pasin bilong wanem kain sapot yu kisim long ol bisnis.

Tasol i mobeta sapos ol sponsa tude i luksave tu long strong bilong ol progem olsem ol teknikal developmen progem na ol longpela taim gutpela bilong ol.

Ol pipel husat i kisim wok long lukautim kain ol spot pilai olsem, i mas tokaut klia long progem, bai ol i ken mekim ol teknikal developmen progem tu. Ating bai wan wik i gutpela long ol teknikal developmen progem, na bihain, ol i ken go het wantaim tonamen.

Dispela bai givim gutpela save long ol lain i go pas long spots long redim gut ol tim long pilai long tonamen. I gat planti samting ol i ken lainim long ol teknikal developmen progem.

Ol tonamen bai ron stret. Ol kosa bai inap long redim gut ol tim bilong ol pastaim long ol i go long ol tonamen, ol tim menesa bai lukautim gut tim bilong ol long taim tonamen i ron, na ol refri i bosim ol pilai bai gat inap save long strongim ol loa bilong spot.

Gutpela longpela taim sindaun em ol patispin i laikim bikos em bai strongim ol long kontribut long developmen bilong komyuniti. Taim ol i yusim save ol i kisim long ol dispela trening, bai ol i mekim wok gut. Komyuniti bai kisim gutpela bilong ol dispela teknikal progem. I no komyuniti tasol bai kisim gutpela bilong en, tasol ol sponsa yet bai kisim bek manimak bilong ol long promosen na gutnem. Dispela bai strongim ol sponsa long go het long sapotim yet dispela ol spot pilai, bikos ol i kamap na ron gut.

I kam inap nau, planti ol tonamen long kantri i wok long pundaun bikos ol i nogat inap savemanmeri na ogenaisa, olsem na ol i no inap mekim samting gut. Em nau, ol sponsa i save tok nogat long givim sapot. Moa yet, ol komyuniti bai sindaun nogut, we ol i nogat moa benefit, na ol i ken lukluk long ol arapela pasin nogut long mekim insait long komyuniti.

Ol ogenaisa i mas sindaun wantaim ol sponsa na ol wanwan manmeri husat i save givim sapot, na tok klia long ol long ol gutpela bilong bihain taim long mekim kain progem olsem, pastaim long spot resis i kirap. Strongim ol teknikal manmeri bai longpela rot long bringim ol longpela taim gutpela sindaun long komyuniti.



Moa oil na meat insait



Junia Lig strong long ples

Nicky Bernard i raitim

BARAKAU em wanela ples insait long Sentrel i traim long strongim Junia ragbi lig long lainim ol liklik ples mangi bilong long save long ragbi lig.

Dispela kompetisen bilong ol bin ron klostu long tripela yia nau na long dispela yia i go strong moa yet, we planti long ol liklik save gut long rul bilong pilai.

Planti bilong ol sumatin long kominiti skul long Barakau i bihainim klas na krismas bilong ol na i gat 4-pela tim long dispela kompetisen bilong ol.

Dispela Junia lig long

Barakau i traim tu long kisim wanela biknem bilong Australia long kam antap long lainim ol long we bilong pilai na rul bilong pilai long junia ragbi lig long ples bilong ol.

Siaman bilong junia ragbi lig long Barakau i tok planti bilong ol liklik mangi krismas bilong ol long 10 na go antap long 16 save stap nating long ples osem na em kirap dispela kompetisen long mekim ol bisi na tu save long ragbi lig.

Em tok tu osem, planti bilong ol dispela yangpela mangi gat gutpela stail pilai stap long ol tasol nogat kompetisen long soim ol yet, osem na dispela tingitng i mekim em kamapim dispela kompetisen.

Johnston's Pharmacies



All Sports and First Aid requirements



For First Aid Kits. Remington Hair Clippers, Remington Hair Appliances, Varta Batteries

**P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg**